

# Tiwei Pol Kewisik Ken Mit Ne Rom

## Menmen me tiwei ik

Mit yapirwe hir enun nerp ninaan me God *1:1-17*  
Menmen God kiriakem mamkepai te kaktaihis *1:18-3:20*  
Haiu meit himin yaaik ke Krai *5:1-8:39*  
Menmen God kiriak mit ne Isrel em *9:1-11:36*  
Menmen mit ne weiwik me God hir nanisesim *12:1-15:13*  
Pol katip menmen maain hirak kakriakem *15:14-33*  
Pol katip mit ne Rom him gude mikaru *16:1-27*

---

## Him me menmen God kehimitan Aposel Pol hirak kiriakem

**1** <sup>1</sup>Hi Pol hi hewis tiwei ik ken yi mit ne wit Rom. Hi hire wok mitik ke Jisas Krai. Nipaa hirak kehimitena hi hire mitik aposel kirak hirak keruweta hi hises menmen im keremem. Hi atip mit miyapir him yaaim me God man haiu mit.

<sup>2b</sup>Nipaa enum eik God katip hirak kaksuwe menmen mirak yaaim im mamnen. Hirak kewepyapirem katip mit profet em te hir newisim mau tiwei. <sup>3</sup>Him yaaim im hiram matip me God Nikan kirak Jisas Krai Mitik kaiu luwe. Haiu mertei hirak kire mitik kentar miye pirak hire winaak hirak nepenyek ke mitik iuwe ke weiwik me Juda niuk mirak Devit. <sup>4d</sup>God keteiknai Jisas hirak ap kire mitik kerekek au. Himin kirak yaaik kire God. Hirak keteiknai Jisas hirak Nikan kirak keruwe menmen iuwe hirak kerekiwekem mar im. Hirak kikiak Jisas kekere nimin ke mit nipaa naa hirak pike kekrit kepu. <sup>5</sup>God han tewenina kehimitena hi hire mitik aposel kirak hentar menmen Jisas Krai kiriakem. Te hirak keruweta hi eno erer wit wit akaap Krai etip mit him mirak hir enim tewem te hir enisesim. <sup>6</sup>God kehimiteni yi mit miyapir ne wit Rom yetike mit miyapir ne wit ham yi yapirwe yi ne Jisas Krai.

---

<sup>a</sup> 1:1 Ap 9:15, 13:2; Ga 1:15    <sup>b</sup> 1:2 Ro 15:25-26; Ta 1:2    <sup>c</sup> 1:3 Mt 22:42; Ro 9:5; 2Ti 2:8  
<sup>d</sup> 1:4 Ap 13:33    <sup>e</sup> 1:5 Ap 26:16-18; Ro 15:18; Ga 2:7-9

<sup>7f</sup>Te hi hewis tiwei ik ken yi mit miyapir yeit wit Rom, kerek God hanhan keruwi kehimiteni yi mit miyapir nirak. Hi hanhan God Haai kaiu ketike Mitik Iuwe Jisas Kraiss hirakit tatrekyi menmen yaaim te yi eiyu werek.

### Pol hanhan kakno kakir mit miyapir ne Rom

<sup>8g</sup>Hi ehinin etpi menmen im. Hi atip God eriuwe niuk me Jisas Kraiss hirak yaaik kentar mit miyapir nerer wit wit hir nemtau yi yises him me Kraiss. <sup>9-10<sup>h</sup></sup> God kerek hi hiriak menmen mirak heriuwe han kai iuwe te hi hatip mit him yaaim me Nikan kirak, hirak hirekes kertei hekrit hekrit hi hitiwekhi me yi mit en. Hi hitehi God te hirak in ek kakikepa kakwisa hi anen ari yi mit. <sup>11</sup>Hi hanhan anen ari yi mit hi eweti menmen yaaim God Himin Yaaik kewetaiyem te hiram mamkepi yi mit miyapir han tokik eiyu eiyit. <sup>12</sup>Menmen hi hetpiyem hiram mar im. Hi akepi ariuwe menmen hi arekyiyem, yi eikepa eiriuwe menmen yi eirekyiyem te haiu emkaapan emriuwere.

<sup>13j</sup>Nai yinan hi hanhan yi eiyirtei me wi yapirwe hi han kitet anen ari. Au, nipaa ere in menmen mewena te hi ap anen ari yi mit au. Hi han kitet hi hari mit miyapir han ne yi mit en yi eiyises him me God. Hi atip mit miyapir him yaaim me Kraiss te mit han nanisesim hiram mar ke mitik hirak kamir ni, maain menmen mamwo yapirwe. Mar im hi hanhan yi eiyisesim eiyir ke mit han hir ap ne weiwik me Isrel hir nisesim. <sup>14</sup>God hirak kehimitena hi atip mit miyapir him mirak. Hi eno mit hir nau werek nanir ke Grik. Hi eno mit han au nau wit enuk yaank. Hi eno mit hir nen skul nertei menmen iuwe, netike mit han au hir nau weinim netaritari menmen im. <sup>15</sup>Mar keremem te hi hanhan anen yi mit miyapir ne Rom etpi him yaaim me Kraiss.

### Him yaaim me Kraiss hiram Iuwe

<sup>16<sup>k</sup></sup>Hi ap yink enuk heriuwe him yaaim me Kraiss au. Hiram menmen iuwe me God mamkaap mit miyapir kerek nemtau him mirak nisesim, hiram mamkepi God kaktorhis. Hiram minin men mit ne Isrel, maain hiram men mit hir ap ne weiwik mir au. <sup>17l</sup>Him yaaim me Kraiss meteiknai menmen yaaim God kerekyeyem kekepapai haiu mamre yaain te haiu mamtikerek mamu han kiutip. Hiram menmen im. Mit nemtau him mirak, hir nanisesim te hiram mamikrit menmen me God mamkepi, hiram mamno ere mamisi. Him me God mit newisim mau tiwei matip mar im: “Mit kerek God katip hir yaain nentar hir nemtau him nisesim, hir nantikerek nanu nanit.”

<sup>f</sup> 1:7 1Ko 1:2; 2Ko 1:1; Nam 6:25-26; Ef 1:2    <sup>g</sup> 1:8 1Te 1:8    <sup>h</sup> 1:9 Ef 1:16; Fl 1:18; 1Te 2:5, 10    <sup>i</sup> 1:10 Ap 19:21; Ro 15:23, 32    <sup>j</sup> 1:13 Ap 19:21; Jo 15:16    <sup>k</sup> 1:16 Sam 119:46; Mk 8:38; 1Ko 1:18, 24; Ap 13:46    <sup>l</sup> 1:17 Ro 3:21-22; Hab 2:4

**Him me mit hir neweikin sip newet God.**

<sup>18</sup> God kerek kau wit kirak hirak keteiknai hirak han enuk keriuwe mit miyapir yapirwe kerek neweikin sip newet menmen mirak, hir niriak enum, hir nepakin him yaa'im neriuwe menmen enum hir niriakem.

<sup>19</sup> God epei kakiwaank mit kakintar menmen mit nanirteiyem me God hirak nipaa ein keteiknorem. <sup>20</sup> Nipaa wi kerek God kewis nepni metike ti mit miyapir hir nir menmen hirak kiriakem. Mar keremem te hir nirem hir nertei menmen me God. Hir ap te nanir God kaku nanamir kir au. Hir nertei God hirak kire mekak, hir nertei hirak wisenuk manpenuk kaku kakit tipmain tipmain enum eik, te hir ap nantip God hir nepitariyek te hir ap newenipi niuk mirak au.

<sup>21</sup> Hir ap te nantip God hir nepitariyek nanintar nipaa hir nertei God hirak keimin te hir ninapen newenipi niuk mirak, hir ap netpiwek hirak yaaik au. Hir han kitet menmen enum te han kir enuk ketari menmen yaa'im mire mit ne witaan nen yaank ap nemsu si au hir ninatin yayiwe.

<sup>22</sup> Hir han kitet hir nertei menmen yapirwe te hir nar ke mit enun han ken sip. <sup>23</sup> Hir nar ke mit enun han ken sip nentar hir epei neweikin sip newet God kerek kaku kakit tipmain tipmain enum eik, hir ap newenipi niuk mirak au. Hir neweikin newenipi niuk me tipir kerek mit natin ninaan mau teinik. Hir nime nu mire mit kerek nani ek, o hore, samiyak o kirin, manpen, pewen, menmen ham.

**Menmen enum mit hir niriakem**

<sup>24</sup> Hir niriak menmen enum mar im, te God kinaiwiri te hir nau enum niriak menmen enum mar im: Hir niriakan menmen enum neriuwe yink kir, hir nises menmen han kir hanhanem. <sup>25</sup> Hir neweikin sip newet him yaa'im me God, hir nises him enum memitetpin. Hir newenipi niuk me menmen God kiriakem. Hir ap newenipi niuk me God kerek kiriak menmen yapirwe. Hirak kerekek hirak yaaik, haiu mamwenipi niuk mirak tipmain tipmain enum eik.

<sup>26</sup> Hir neweikin sip newet God te hirak kinaiwiri hir nises menmen enum hir hanhanem. Miyapir hir ap niwaai netike mit nir au. Hir niyawan niwaai netike miyapir han. <sup>27</sup> Mit hir niriak menmen nar ke miyapir niriakem. Hir ap netike miyapir nir niyawan niwaai au. Hir han kir kekrit kire si, hir hanhan netike mit han hir niyawan niwaai. Hir niyawan niwaai niriakan enum te God kerekyor enum me menmen enum hir niriakem.

---

<sup>m</sup> 1:18 Ef 5:6; Kl 3:6; 2Te 2:12    <sup>n</sup> 1:19 Ap 14:15-17, 17:24-28    <sup>o</sup> 1:20 Jop 12:7-9; Sam 19:1; Hi 11:3    <sup>p</sup> 1:21 Ef 4:17-18    <sup>q</sup> 1:22 Jer 10:14; 1Ko 1:20    <sup>r</sup> 1:23 Diu 4:15-19; Sam 106:20  
<sup>s</sup> 1:24 Ap 14:16    <sup>t</sup> 1:25 Jer 13:25, 16:19; Ro 9:5    <sup>u</sup> 1:27 Lev 18:22, 20:13; 1Ko 6:9

<sup>28</sup>Mit miyapir hir ninapen han kakitet God ketike menmen mirak te hirak kinaiwiri te han kir kises menmen enum te hir niriak menmen yaaim au. <sup>29</sup>Te hir niriak menmen enum heriyai heriyai. Hir hemkre menepam me menmen, hir han kitet menmen enum me mit han, hir yink enuk neriuwe mit han ninini, hir mit han nenep mit han hir naa, hir nari han ke mit hir nenke hasini, hir nemitetpinan me menmen, hir han kitet menmen enum me mit han, hir natipan nisesan me menmen. <sup>30</sup>Hir newisesik newenin him me mit han hir ninapen God, hir nene mit miyapir han newir paan newepik, hir nar ke mit enun paan tokik natip hir nire mit iuwe ninin mit han. Hir han kitet nanriak menmen enum nipaa mit ap niriakem au. Hir ap nises him me miye haai nir au. <sup>31</sup>Hir nire mit enun han ken sip ap han kitet menmen enum maain mamnen, hir mit ap nises him mir hir netpim, hir ap hanhan neriuwe mit miyapir han o han tewenini au. <sup>32</sup>Hir nertei God epei katip mit miyapir kerek niriak menmen enum mar im maain hir nani, te hir wen niriakem. Hir wen niriakem keremem au. Hir nari han ke mit miyapir han te hir niriakem mar ke hir niriakem, hir netpi hir yaain.

#### God skelim mit werek werek kakises menmen yaaim

**2** <sup>1</sup>Yi mit keriyen ne Isrel kerek yi yesiuwe him yene mit kerek ap ne Isrel yentar menmen enum hir niriakem. Yi ap eitip God yi yaain me menmen yi yiriakem au. Yi yene mit yentar menmen enum hir niriakem. <sup>2</sup>Haiu mit ne Isrel haiu mertei God ap han ekitet mit miyapir hir neimin au. Hirak han ekitet skelim mit miyapir hir neimin nipiran me menmen enum hir niriakem keremem. <sup>3</sup>Yi yesiuwe him yene mit yentar menmen enum hir niriakem, te yi yises menmen enum mar ke hir niriakem, maain God skelim mit en me menmen mir enum. Te yi han kitet hirak kakitpi yi yaain a? Taauye! God skelim yi mit eitikeri! <sup>4</sup>Yi yinan yipir yewirek yentar God hirak hanhan keriuwi ap kakiwep waswas au a? Yi yepitari God hirak ap kakiwep waswas te yi eiweikin sip eiwet menmen enum a? <sup>5</sup>Yi yewenin han ki ap yeweikin sip yewet menmen enum au. Te maain wi kerek God skelim haiu mit me menmen, hirak kakises menmen mirak yaaim, hirak kakrekyi enum yapirwe. Menmen enum yi yiriakem maain hiram mamir ke mitik kewepep haak kemi ere mau niu, hiram maminke mamkip mamiwaankek. <sup>6</sup>God tewen kakriak mit menmen yaaim o menmen enum kakintar menmen nipaa hir niriakem. <sup>7</sup>Mit miyapir kerek hekrit hekrit niriak menmen yaaim, hir hanhan God hirak kakwetir himin yaaik kaktip hir mit miyapir yaain niuk mir iuwe kakikepi hir nantikerek nanu nanit tipmain tipmain enum eik. Te maain God kakwetir menmen im kakikepi hir nantikerek nanu nanit. <sup>8</sup>Te mit miyapir han au. Hir neweikin sip newet

° 2:1 Mt 7:1-2; Jo 8:7    ° 2:4 Ef 1:7, 2:7; 2Pi 3:15    ° 2:6 Mt 16:27; Jo 5:29; 2Ko 5:10  
 ° 2:8 2Te 1:8

menmen yaaim hir nises han kir enuk niriak menmen enum, maain God han enuk kakriuweri hirak kakniƀ kakiwaanki. <sup>9</sup> Mit miyapir kerek hir niriak menmen enum maain God kakiwaanki hir yink kir kaknen han kir enuk. God kakinin kakiwaank mit miyapir han ne weiwik me Isrel kerek niriak enum. Maain hirak kakiwaank mit miyapir han ne weiwik ham nerer wit wit kerek niriak enum. <sup>10</sup> Te mit miyapir kerek hir niriak menmen yaaim, maain God kakwetir menmen mirak yaaim, hir nanre mit miyapir iuwe, hir nanu werek. God kakinin kakriak mit miyapir han ne weiwik me Isrel em, maain hirak kakriak yi mit miyapir ne weiwik ham em. <sup>11</sup> God ap han kitet mit hir niuk mir iuwe o hir au enun weinin au. Hirak han kiteti hir nipiƀan.

<sup>12</sup> Mit miyapir ap ne weiwik me Isrel hir nepitari him me God nipaa Moses kewisim mau tiwei. Hir niriak enum te God hirak kakiwaanki kakinterim weinim. Mit miyapir ne weiwik me God au. Hir nertei him me God nipaa Moses kewisim te hir niriak enum, maain God kakit him im hirak kakno mit ne Isrel skelim mit miyapir kakriuwerem kakiwaanki. <sup>13</sup> <sup>b</sup> Mit miyapir kerek nemtau him me God keremem, hirak ap te kaktip hir yaain au. Mit miyapir kerek nemtewem hir nisesim, hir keriyen God kaktip hir yaain. <sup>14</sup> <sup>c</sup> Mit miyapir ap ne weiwik me Isrel ap nertei him me God Moses kewisim. Wi kerek hir nises han kir niriak menmen yaaim mar ke him me God nipaa Moses kewisim mau tiwei hiram metpim, te menmen im meteiknai hir nertei menmen yaaim metike menmen enum. <sup>15</sup> Menmen hir niriakem hiram meteiknai him nipaa God ketpim hiram mau mekre han kir. Wi ham han kir enuk keriuwe menmen enum hir niriakem. Wi ham han kir au yaaik keriuwe menmen yaaim hir niriakem. <sup>16</sup> <sup>d</sup> Maain wi mamnen te God kaktip Jisas Kraiss hirak kakwepyapir menmen mau mekre han ke haiu mit yapirwe, hirak kakrekyei yaaim o enum kakinterim. Menmen im mamnen mamir ke hi hetpiyem heriuwe him yaaim me God.

**Yi mit miyapir ne Isrel han ekitet him me God Moses  
kewisim mau tiwei hiram mamkepi te yi eiyu werek.**

<sup>17</sup> <sup>e</sup> Mit miyapir yi yatip yar ik: “Haiu mit miyapir ne weiwik me Isrel.” Yi han kitet yi yetike God yi yekiyan yau yentar hirak keweti him mirak a? Yi yatip yewenipi niuk mi yar ik: “Haiu mit miyapir ne God.” <sup>18</sup> Yi yertei menmen hirak hanhan yi eiyisesim. Yi yertei hanhan menmen yaaim te yi yisesim. Menmen enum au. Yi hanhan eiyises menmen yaaim eiyintar nipaa yi wen nikerek kike ere in haairer hir nepei netpi him me God. <sup>19</sup> <sup>f</sup> Yi han kitet yi yertei him me God werek te yi eiteikin mit nepitari menmen mirak

<sup>z</sup> 2:9 Ro 1:16    <sup>a</sup> 2:11 Diu 10:17; 2Kro 19:7; Ap 10:34; Ef 6:9; 1Pi 1:17    <sup>b</sup> 2:13 Mt 7:21; 1Jo 3:7    <sup>c</sup> 2:14 Ap 10:35    <sup>d</sup> 2:16 2Ti 2:8    <sup>e</sup> 2:17 Je 2:19    <sup>f</sup> 2:19 Mt 15:14; Lu 18:9

te hir nanisesik werek werek a? Yi yire si merhihe yi eiteikin mit kerek ap nertei God hir nire mit ne witaan nanino, yi eiteiknor yayiwe yaaik te hir enisesik a? <sup>20s</sup>Yi han kitet yi werek te yi eiteikin mit kerek hir han kitet menmen enum, yi eiteiknor menmen me God a? O yi eiteikin mit kerek nepitari menmen me God hir nire nikerek, yi eiteiknor werek menmen me God yentar yi han kitet him me Moses meteikni menmen yapirwe God kerteiyem a? <sup>21<sup>h</sup></sup>Yi yeteikin mit han menmen me God, yi yenmak te yi ap yeteikin hiras menmen a? Yi yatip mit an yar ik: “Yi ap eikintip menmen me mitik hak.” Te yi eikintip menmen me mit han o au a? <sup>22</sup>Yi yatip, “Yi mit ap eiri miyapir ne mit han eitikeri eiriyahis eiweninem au emit.” Te yi hiras yi yiriakem o au a? Yi yinapen mit kerek newenipi niuk me tipir, te yi ap eikintip menmen hir newisim mau kinaan newepwar tipir em. <sup>23</sup>Mit han ninan yipir newirek nene God nentar menmen yi mit yiriakem. Yi yewenipi niuk mi yatip God keweti him mirak, te yi ap yisesim au. Yi yeweikin sip yewetewem. <sup>24<sup>t</sup></sup>Menmen hi hetpiyem hiram yaaim mentar him mau tiwei nipaa Aisaia kewisim hiram matip mar im: “Mit ap ne weiwik me Isrel natip enum me niuk me God nentar yi mit ne Isrel.”

**Yi yerekir yink te yi han kitet hirak kakikepi yi ne God-  
Au, menmen mekre han mamkepi keriyen**

<sup>25<sup>j</sup></sup>Yi yises him me Moses, mit nerekir yink ki, hirak yaaik kakikepi. Te yi eiweikin sip eiwet him mirak, hiram mar ke nipaa mit ap nerekir yink ki. <sup>26<sup>k</sup></sup>Mit kerek ap nerekir yink kir hir nises him me God werek werek, God han kitet hir yaain nar ke mit hir nepei nerekir yink kir. <sup>27</sup>Te maain him me God kerek mit ap nerekir yink kir hir nisesim, hiram mamteikin yi mit yi enun. Hiram mamteikin yi mit enun yentar yi yerekir yink ki, yi yetenen him me God Moses kewisim mau tiwei, te yi ap yisesim au. Hir netenen him me God Moses kewisim au, te hir nises menmen yaaim. <sup>28<sup>l</sup></sup>Yi ap mit ne Isrel keriyen yentar miyerer ni nini yi ne weiwik me Isrel o yentar yi yerekir yink ki au. <sup>29<sup>m</sup></sup>Mit miyapir hir ne weiwik me Isrel nentar hir nises God nekre han kir. Menmen im hiram mar ke God Himin Yaaik hirak kehimitenor han kir hirak ke God. Menmen im ap mises menmen Moses nipaa kewisim mau tiwei. Mit han ap nanwenipi niuk me mit nar ik, te God hanhan kakriuwari iuwe.

**Menmen enum ap te maminin menmen yaaim**

**3** <sup>1</sup>Yi han kitet mekam? Mit ne weiwik me Isrel hir ninin mit han ne weiwik ham o au? Menmen hir nisesim nerekir yink kir hiram

<sup>s</sup> 2:20 2Ti 3:5, 15    <sup>h</sup> 2:21 Sam 50:16-21; Mt 23:3-4    <sup>i</sup> 2:24 Ais 52:5; Esi 36:20    <sup>j</sup> 2:25 Jer 4:4, 9:25    <sup>k</sup> 2:26 Ga 5:6    <sup>l</sup> 2:28 Jo 7:24, 8:39    <sup>m</sup> 2:29 Diu 30:6; Kl 2:11; 1Ko 4:5; 2Ko 10:18

yaaim mamkepi o au? <sup>2</sup>Hiram yaaim mamkepi yapirwe mar im. God kinin kewet mit ne Isrel him mirak te hir nanirtei menmen hirak hanhan hir nanisesim. <sup>3</sup>Mit han ne weiwik me Isrel hir ap nises him mirak, te yi ap han ekitet God ap kakises him mirak kakintar mit han neweikin sip newetiwek, au emit. <sup>4</sup>Mit miyapir yapirwe nanweikin sip nanwet him yaaim, God kerekek au. Hekrit hekrit hirak kakises him yaaim hirak ketpim. Him me God mau tiwei Sam matip mar im:

“Hekrit hekrit ti ehinin mit kerek hir neswut him.

Hir nanirtei ti atip him yaaim keremem.”

<sup>5</sup>Mit han nantip, “Menmen enum haiu mit miriakem hiram yaaim. Hiram yaaim mamkaap God kaktekin menmen hirak kiriakem hiram yaaim keremem.” Hiram yaaim te haiu matip God enuk kakintar hirak kakwep haiu mit mamintar menmen enum haiu miriakem a? (Hi hises menmen me mit ne ti hir han kitetim) <sup>6</sup>Au, hiram him enum. God ap yaaik te hirak ap te kakriak menmen yaaim o enum me haiu mit miyapir mau ti ik au emit! <sup>7</sup>Menmen enum hi hiriakem mamteikin mit God katip him yaaim keremem, hirak kakit niuk iuwe menterim, te kenmak hirak kaktip hi mitik enuk kerekek, hirak kakrekkyo enum a? <sup>8</sup>Haiu ap te mamtip haiu mamriak menmen enum te hiram mamwepyapir menmen yaaim au emit! Mit han hir nesiuwai him natip, “Yi mit Kristen kerek yises him me God yi yatip enum yar ek.” Hiram yaaim te maain mit hir natip enum mar im me haiu mit, God kaknip.

### God hirak katip haiu mit yapirwe enun

<sup>9</sup>Te haiu han ekitet mekam? Haiu mit ne Isrel haiu minin mit han ne weiwik ham a? Au, hi nepei hetpi haiu mit miyapir yapirwe ne weiwik ne Isrel o mit miyapir han ne weiwik ham, menmen mekre han kaiu merekyei haiu yapirwe mamriak menmen enum. <sup>10</sup>Him im hiram yaaim mentar mit newis him me God mau tiwei Sam matip mar im:

“Mitik kei kiutip kekre nimin ne haiu mit yapirwe ap te God kaktip hirak yaaik au. Haiu yapirwe mit enun.

<sup>11</sup> Mitik kei kiutip kekre nimin ne mit yapirwe hirak kertei menmen hiram yaaim au. Mitik kei kiutip kekre nimin ke mit yapirwe ap te hanhan God kau kekre han kirak au.

<sup>12</sup> Hir mit yapirwe nepei neweikin sip newet God, hir mit enun. Ap kei kiutip kiriak menmen yaaim au.

<sup>13</sup> Menmen hir netpim meke him kir hiram enum mar ke herwe hei mit nekeisiuwek. Hir nemitetpin neriuwerek. Menmen enum hir netpim hiram mewaank mit mar ke nap mekre yehes me manpen siurp kenep mit hir nani.

<sup>n</sup> 3:2 Sam 147:19-20; Ro 9:4    <sup>o</sup> 3:3 Ro 9:6, 11:29; 2Ti 2:13    <sup>p</sup> 3:4 Sam 51:4    <sup>q</sup> 3:8 Ro 6:1, 15    <sup>r</sup> 3:9 Ro 1:18-2:24, 3:23    <sup>s</sup> 3:10 Sam 14:1-3, 53:1-3; Ekl 7:20    <sup>t</sup> 3:13 Sam 5:9, 140:3

14 <sup>a</sup>Menmen hir netpim meke him kir man hiram enum mar ke saukei wapik mau him ke mitik.

15 <sup>v</sup>Hir waswas nenep mit hir nani.

16 Wit kerek hir nen newi, hir newaank menmen metike mit te hir han enuk.

17 Hir ap nikaap mit miyapir nekiyan nau neit au.

18 <sup>w</sup>Hir ap han kitet newenipi niuk me God hirak iuwe au.”

19 Haiu mertei him me God yapirwe mit newisim mau tiwei, hiram me mit ne weiwik me Isrel, te mit ne Isrel netike mit nerer wit wit ap te nantip God hir yaain au. God han ekitet menmen hir niriakem hirak skelim hir mit miyapir keriuwerem keremem. <sup>20</sup><sup>x</sup>God ap kaktip mitik kiutip kekre nimin ke haiu mit yapirwe hirak yaaik kentar hirak kises him nipaa Moses kewisim mau tiwei au. Him im hiram meteiknai haiu mit enun haiu miriak menmen enum keremem.

#### Mit kerek nises him me Kraiss, God kaktip hir mit yaain

21 <sup>y</sup>In ek God nepei kewepyapir menmen hirak kiriakem te hirak katip mit kerek nisesik, hir nire yaain. Menmen im hiram ap menmen me him me Moses au, te nipaa enum eik him Moses ketike mit profet hir newisim mau tiwei hiram matip menmen im me God mamnen.

22 <sup>z</sup>Menmen me God mamnen hiram im: God kaktip mit miyapir hir yaain nanintar hir nises him me Jisas Kraiss. God kaktip mit miyapir yapirwe kerek hir nises him me Jisas Kraiss hir yaain. Hirak ap han kitet hir mit miyapir ne weiwik me Isrel o ne weiwik ham au. Hiram menmen weinim. <sup>23</sup><sup>a</sup>Hiram menmen weinim mentar mit miyapir yapirwe nerer wit wit hir epei niriak enum, te God ap kakwenipiri kakitpi hir yaain au. <sup>24</sup><sup>b</sup>Te God kewetai haiu mit menmen mirak yaaim weinim mar im: God kerekyei haiu mit menmen yaaim hirak katip haiu yaain mentar menmen Kraiss Jisas kerekyeiyem me wi hirak kaa te kakikepei kaktaihis. <sup>25</sup><sup>c</sup>God kehimitan Kraiss keriuwetek hirak kan kaa kire sipsip mit nakip nesiyek newet God ek. Hirak kaa hemkre mirak mewen, te hiram mamisak menmen enum maiu me wi haiu mamises him mirak. God kiriak menmen im kakteiknai haiu mit hirak yaaik. Nipaa mit hir niriak enum, te God hanhan keriuweri, hirak ap kanip au, kentar hirak kaksiuwe Jisas kaki kakisak menmen enum mir. <sup>26</sup>In ek hirak keriuwet Jisas hirak kan kaa keteiknai hirak yaaik, hirak kesak menmen enum em haiu mit kerek mises him me Jisas, hirak katip haiu yaain.

<sup>a</sup> 3:14 Sam 10:7   <sup>v</sup> 3:15 Pro 1:16; Ais 59:7-8   <sup>w</sup> 3:18 Sam 36:1   <sup>x</sup> 3:20 Sam 143:2; Ga 2:16; Ro 7:7   <sup>y</sup> 3:21 Ap 10:43   <sup>z</sup> 3:22 Ro 1:17; Ga 2:16   <sup>a</sup> 3:23 Ro 3:9, 5:12   <sup>b</sup> 3:24 Ef 2:8; Ro 5:1   <sup>c</sup> 3:25 Ef 1:7



27<sup>d</sup>Te haiu mamwenipi niuk maiu hiras a? Taauye! Haiu ap mamwenipi niuk mai mamintar haiu miriak menmen yaaim him me Moses mau tiwei matip haiu emisesim au. Haiu yaain mentar haiu mises him me Jisas Kraiss. Hirak kesak menmen enum maiu te haiu ap mamwenipi niuk mai au emit. 28<sup>e</sup>Te haiu mertei menmen im. God katip mit hir yaain nentar hir niriak menmen him kerek Moses kewisim mau tiwei matip hir enisesim au. God katip hir yaain nentar hir nemtau him mirak hir nisesim.

29-30<sup>f</sup> sYi han kitet God hirak ke haiu mit ne Isrel keriyen te mit ne weiwik ham au a? Taauye! Hirak God ke haiu mit yapirwe kentar hirak kaktip mit kerek nerekir yink o mit ap nerekir yink kir, hir nire yaain nentar hir nemtau him mirak hir nisesim. 31<sup>h</sup>Haiu miriak menmen me him kerek Moses kewisim mau tiwei hiram weinim meriuwe menmen in ek haiu misesim me Kraiss a? Taauye! Haiu meteikin mit him me Moses hiram yaaim mekepai haiu emises him me God.

### God katip Ebrahim hirak yaaik

**4** 1Ebrahim hirak mitik kar ke haiu mit. Hirak maam nipu ke haiu mit ne weiwik me Isrel. Te haiu mamtip hirak keit mekam keriuwe menmen hirak kiriakem? 2-3<sup>i</sup>God hirak katip Ebrahim hirak yaaik kentar hirak kiriak menmen yaaim, te Ebrahim kakwenipi hirekes keriuwe niuk mirak. Te God kir Ebrahim hirak ap kewenipi hirekes keriuwe niuk mirak kentar him me God mau tiwei matip, “Ebrahim han kitet God kakises him nipaa hirak ketpiwekem te God katip hirak yaaik. God ap katip Ebrahim hirak yaaik kentar menmen hirak kiriakem au!” 4<sup>j</sup>Mitik kiriak menmen me mitik hak, maain hirak kakit pewek mamrerim. Mitik ap kakwetiwekem weinim au. Hirak kiriak menmen hirak kaktiwem. 5<sup>k</sup>Mit kerek nemtau him me God kerek kesak menmen enum me haiu mit, hir nisesim weinim te God kaktip mit nar ik hir yaain. Mit kerek hir han kitet menmen hir niriakem te hir nanriak God kaktip hir yaain, mit nar ik God kaktip hir au enun. 6<sup>l</sup>Nipaa Devit kewis him mau tiwei hiram matip me mit in ek hir han yaaik nentar God katip hir yaain. Hirak katip hir yaain nentar hir niriak menmen te hir nanriak God kaktip hir yaain au. Hir han kitet hirak kakises menmen hirak ketporem keremem. 7<sup>k</sup>Him Devit kewisim mau tiwei Sam matip mar im:

“Mit kerek God epei kesak menmen enum mir nipaa hir niriakem, hir han yaaik nanu.

8<sup>l</sup> Mit kerek Mitik Iuwe God ap han kitet menmen enum hir niriakem, hirak kakneri kakiwaanki kakinterim au, hir han yaaik nanu.”

<sup>d</sup> 3:27 1Ko 1:31    <sup>e</sup> 3:28 Ga 2:16    <sup>f</sup> 3:29 Ro 10:12    <sup>g</sup> 3:30 Diu 6:4; Ga 3:20; Ro 4:11-12

<sup>h</sup> 3:31 Mt 5:17; Ro 8:4    <sup>i</sup> 4:3 Jen 15:6; Ga 3:6; Je 2:23    <sup>j</sup> 4:4 Ro 11:6    <sup>k</sup> 4:7 Sam 32:1-2

<sup>9</sup>Menmen yaaim im miriak mit hir han yaaik, hiram menmen me haiu mit ne Isrel keriyen o hiram me mit yapirwe a? Haiu nepei matip Ebrahim han kitet God kakises him hirak nipaa ketpiwekem, te God katip Ebrahim hirak mitik yaaik. <sup>10</sup>Kewaa meruri God katip Ebrahim hirak yaaik? Hirak kerekir yink kirak o wen au a? Wen au ye! <sup>11</sup>Maain hirak kerekir yink kirak hirak keteikin mit God nepei katip hirak yaaik kentar hirak kises him mirak. Te in ek hirak maam nipu ke mit yapirwe kerek ap nerekir yink kir te God kaktip hir yaain nentar hir nises him mirak. <sup>12</sup>Hirak maam nipu ke mit in netike haiu mit han kerek merekir yink kiau. Hirak maam nipu kiau kentar haiu merekir yink kiau au. Hirak maam nipu ke haiu mit yapirwe kentar haiu mises him me God mar ke nipaa hirak kisesim. Hirak kerekir yink kirak wen au, hirak han kitet God kakises him nipaa hirak ketpiwekem te God katip hirak yaaik.

### Mit kerek nises him me God nanit menmen nipaa hirak ketpim

<sup>13</sup>Nipaa God katip Ebrahim hirak kakrekuyiwek menmen kaktike haiu nepenyerer nirak, maain haiu naanmamre mit miyapir nanrer wit wit nanu ti. Hirak ap katip Ebrahim menmen kentar Ebrahim hirak kiriak menmen yaaim kari han ke God keriuwerem au. Hirak ketpiwekem kentar hirak kemtau him me God hirak kisesim. <sup>14</sup>Mit kerek niriak menmen nanriak God kaktip hir yaain, te hir nanit menmen nipaa God ketpim. Te haiu mit kerek mises him mirak weinim haiu mises menmen enum weinim ap te mamit menmen mirak au. Him im hiram yaaim te him me God haiu misesim hiram weinim, te menmen nipaa God katip kakwet Ebrahim em hiram menmen enum weinim. Him im au memitetpin! <sup>15</sup>Haiu mertei him me Moses kakriak God hirak kakiwaank mit miyapir kerek neremir him mirak hirak kewisim mau tiwei mentar hir nertei menmen hirak hanhan hir nanisesim. Him me Moses hiram nepei au mesi te haiu ap mamtip mit neremir him mirak mau tiwei au. Him ap mepu te hir neremir au.

<sup>16</sup>Menmen God ketpim hirak kakwet haiu mit em haiu yapirwe mamtiwem mamintar haiu han kitet hirak kakises menmen nipaa hirak ketpim. God kakweteiyem weinim te hirak kakrekuyei menmen yaaim. Hirak kakwetai haiu nepenyerer yapirwe ne Ebrahim kakwetaiyem. Hirak kakwet mit miyapir kerek nises him me Moses kakwetirem keremem au. Hirak kakwetai haiu mit miyapir yapirwe rem kerek mises him me God mar ke nipaa maam nipu kiau Ebrahim hirak kisesim. Maain God kakwetai menmen nipaa hirak ketpim. <sup>17</sup>Ebrahim hirak

<sup>1</sup> 4:9 Jen 15:6; Je 2:23    <sup>m</sup> 4:11 Jen 17:10-11    <sup>n</sup> 4:12 Mt 3:9    <sup>o</sup> 4:13 Jen 17:4-6, 22:17-18; Ga 3:29    <sup>p</sup> 4:14 Ga 3:18    <sup>q</sup> 4:15 Ro 3:20, 5:13, 7:8    <sup>r</sup> 4:16 Ga 3:7    <sup>s</sup> 4:17 Jen 17:5; Ais 48:13

maam ke haiu mit yapirwe kentar him me God mau tiwei matip mar im: “Hi God hi herekyit ti maam ke mit miyapir maain hir nanu nanrer wit wit.” God han kitet Ebrahim hirak kire maam ke haiu mit miyapir yapirwe kerek mises him me God. Hirak kises him me God kerek hirak kikian mit kerek epei naa, hir nekrit nau, hirak katip him weinim me menmen nipaa mepu au, hiram minin mekrit mau.

<sup>18</sup> Ebrahim han kitet God kakriak menmen nipaa hirak ketpim te hirak ap kertei karkeik te hirak kakriakem au. Hirak han kitet kar ik, te God kewisik hirak maam nipu ke mit miyapir yapirwe nau nerer wit wit. God katip Ebrahim him mar ik: “Ebrahim nepenyerer nit maain hir nantin nanre yapirwe.” <sup>19</sup> “Me wi im Ebrahim hirak menep 100 tito, te hirak han kitet yink kirak hirak kar ke mitik epei kaa au. Mite pirak hire we mite ap te wawine nikerek au, te menmen im ap mari han kirak te hirak katip God hirak ap te kakriak menmen nipaa hirak ketpim au. <sup>20</sup> Hirak ap han kitet God ap kakriak menmen nipaa hirak ketpim au. Hirak kises him me God kekre han kirak iuwe, hirak kewenipi niuk me God te maain hirak kakikepik hirak kakine nikan. <sup>21</sup> Ebrahim hirak han kitet God hirak manp enuk kakises him me nikan nipaa hirak ketpim. <sup>22</sup> Ebrahim han kitet menmen mar im te God katip hirak mitik yaaik.

<sup>23</sup> Him me God kerek matip mar ik: “God katip hirak mitik yaaik,” hiram ap matip me Ebrahim kiutip kerekek au. <sup>24</sup> Hiram matip me Ebrahim ketike haiu mit miyapir kerek maain God hirak kaktip haiu yaain mentar haiu mises God kerek hirak kikiak Mitik Iuwe kau Jisas kerek nipaa kaa, hirak kekrit kau. <sup>25</sup> God keriuwetek hirak kan ti kaa te kakisak menmen enum haiu miriak em. God pike kikiak hirak kekrit kau, te God kaktip haiu mit miyapir yaain mamantar haiu misesik.

### God katip haiu mit miyapir haiu yaain

**5** <sup>1</sup> Te in ek God katip haiu mit miyapir yaain mentar haiu misesik. Haiu metikerek mekiyan mau mentar menmen Mitik Iuwe Jisas Krai hirak kiriakem. <sup>2</sup> Haiu mises him me Krai te hirak kerekek kekepai haiu metike God haiu mekiyan mau, God kerekyei menmen yaaim. In ek haiu han yaaik memerir menmen yaaim me God haiu mertei maain hirak kakwetayem. <sup>3</sup> Haiu han yaaik meriuwe menmen im keremem au. Haiu han yaaik me menmen enum mamnen mamraiwaank. Haiu han yaaik meriuwerem mentar haiu mertei hiram mamkepai haiu han tokik emu emises him me God werek werek. <sup>4</sup> Haiu han tokik emu me menmen enum mamraiwaank, te God kaktip haiu minin menmen enum. God kaktip haiu minin menmen enum te haiu emisesik emimerir

<sup>1</sup> 4:18 Hi 11:1; Jen 15:5    <sup>2</sup> 4:19 Jen 17:17    <sup>3</sup> 4:22 Jen 15:6    <sup>4</sup> 4:24 Ro 15:4; 1Pi 1:21

<sup>x</sup> 4:25 Ais 53:4-5    <sup>y</sup> 5:1 Ro 3:24, 28, 4:24    <sup>z</sup> 5:2 Ef 2:18, 3:12    <sup>\*</sup> 5:3 Je 1:2-3; 1Pi 1:5-7

te maain haiu mamit menmen mirak yaaim hirak kakwetaiyem. <sup>5b</sup>Haiu emisesik emerir ke maain hirak kakwetai menmen mirak, haiu ap yink enuk mamintar haiu han kitet hirak ap kises menmen nipaa hirak ketpaiyem au. Haiu ap yink enuk mamriuwerek mamintar God keteiknai hirak han teweninai hirak keruiwet God Himin Yaaik kan kakre han kaiu, te haiu mertei maain hirak kakwetai menmen.

<sup>6</sup>Krais hirak kan ti hirak kaa me haiu mit miyapir kerek enun neweikin sip newet God. Me wi im haiu enun ap mikaap hiras haiu mire yaain, te God kises han kirak kimat wi kerek hirak keruiwet Jisas hirak kan ti kaa kakikepai. <sup>7</sup>Mitik kiutip kekre nimin ke mit yapirwe ap te hanhan kakikaap mitik kerek kises menmen yaaim kakikrehir kirak kaki. Te mitik kiutip hanhan keruiwe mitik hak yaaik kikaap mit han hirak kakikepak kaki kakikrehir kirak. <sup>8c</sup>Te God au. Hirak keteiknai haiu mit enun hirak hanhan keruiwai. Me wi haiu mit miyapir haiu wen enun, haiu miriak enum, God keruiwet Krais hirak kan kaa kekrehir kaiu kekepai. <sup>9d</sup>Krais nepei kaa hemkre mirak mewen hirak kekrehir kaiu te God katip haiu mit miyapir haiu yaain. Te in ek haiu mertei hirak manpenuk te hirak kakikepai naanmamprai me menmen enum me God maain mamnen mamnep mit miyapir enun en. <sup>10e</sup>Nipaa haiu mar ke mit miyapir enun ap nises God au, Nikan kirak Krais kaa, hirak kenipai haiu metike God mekiyan mau. In ek, haiu metike God mekiyan mau, haiu mertei maain God kaktaihis haiu mamu mamtikerek mamintar Krais hirak pike kekrit kau kekepai. <sup>11</sup>God ap kaktaihis weinim keremem au. Haiu han yaaik mau meriuwerek hirak God kaiu yaaik mentar menmen Jisas Krais kaiu Iuwe hirak kiriakem. Nipaa hirak kerekek kenipai haiu metike God mekiyan mau.

### Him me Adam ketike Krais

<sup>12f</sup>Haiu mertei menmen im man. Mitik kiutip hirak kiriak menmen enum te hirak kaa. Hirak kaa te haiu mit miyapir yapirwe haiu mami mamintar haiu misesik haiu miriak enum. <sup>13g</sup>Nipaa God katip Moses him lo mirak hirak kewisim mau tiwei wen au, menmen enum epei man mau ti mari han ke mit hir niriak enum. God ap han kitet menmen enum kene mit kenterim au. Hirak ap katip Moses menmen me him mirak mit miyapir enisesim wen au. <sup>14h</sup>God ap kene mit kanip kentar menmen enum mir, te hir mit yapirwe, nipaa me wi Adam kau ti ere wi God katip Moses him lo mirak, hir yapirwe nire ne mit hir naa. Adam ketike mit miyapir han kerek ap neremir him me God nar ke Adam hirak kiriakem, hir yapirwe naa. Adam kerekek hirak kire mitik maain kaknen.

<sup>b</sup> 5:5 Sam 22:5, 25:20; Hi 6:18-19    <sup>c</sup> 5:8 Jo 3:16; 1Jo 4:10    <sup>d</sup> 5:9 Ro 1:18, 2:5, 8

<sup>e</sup> 5:10 Ro 8:7-8    <sup>f</sup> 5:12 Jen 2:17, 3:6, 16; Ro 6:23    <sup>g</sup> 5:13 Ro 4:15    <sup>h</sup> 5:14 1Ko 15:21-22, 45

<sup>15</sup>Menmen enum Adam kiriakem metike menmen yaaim God kerekyeyem weinim, hiram mipiram au. Haiu mertei mit miyapir yapirwe nani nanintar menmen enum Adam kiriakem. Te haiu mertei God hanhan keriuwai haiu mit miyapir, hirak kerekyei menmen yaaim weinim kentar menmen mitik kiutip Jisas Kraiss hirak kiriakem. Menmen yaaim im hiram minin menmen enum Adam kiriakem, hiram men mikaap mit miyapir yapirwe kerek nisesim. <sup>16</sup>Menmen God kiriakem hiram ap mar ke menmen enum Adam kiriakem au. Mitik kiutip hirak keremir him me God, te God kenerek katip hirak mitik enuk kaki. Maain, mit miyapir han hir niriak menmen enum yapirwe, te God kerekyei menmen yaaim hirak kesak menmen enum maiu katip haiu yaain. <sup>17</sup>Haiu mertei mitik kiutip keremir him me God hirak kiriak enum te haiu mit yapirwe mami. Te menmen Mitik Jisas Kraiss kiutip kerekek hirak kerekyeyem, hiram minin menmen ham enum me mitik hak eik. Haiu mit miyapir yapirwe kerek meit menmen im weinim me God, kerek hanhan keriuwai kaktip haiu yaain mentar menmen Mitik Kraiss kerekyeyem, hirak kaknipai haiu mamit himin yaaik te Kraiss kekepai haiu emises God werek werek.

<sup>18</sup><sup>i</sup>Te menmen miutip mitik hak kiriakem enum hirak kenip God katip haiu mit miyapir yapirwe enun haiu mami. Mar im, menmen miutip yaaim mitik hak kiriakem, hiram menip God katip haiu yapirwe haiu yaain, haiu mami au. Haiu mamtikerek mamu mamit. <sup>19</sup><sup>j</sup>Mit miyapir yapirwe God ketpor hir enun nentar mitik kiutip keweikin sip kewet him me God. Mar im mit miyapir yapirwe God kakitpor hir yaain nanintar mitik kiutip kises him me God hirak kaa kesak menmen enum maiu.

<sup>20</sup><sup>k</sup>God katip Moses him lo mirak hirak kewisim mau tiwei te hiram menip mit miyapir hir nertei werek werek menmen God hanhan hir nanisesim, te hir nineinim hir niriak menmen enum yapirwe. Maain mit miyapir hir niriak menmen enum yapirwe, menmen yaaim God kiriakem kentar hirak hanhan keriuwai, hiram minin menmen enum me haiu mit miyapir. <sup>21</sup><sup>l</sup>Haiu mit miyapir mami mamintar menmen enum (sin) kerek mau ti ik hiram mininai. Te menmen yaaim God kiriakem kaktip haiu yaain maminterim, hiram maminin menmen enum mau ti naanmamrai haiu mit miyapir mamnipai haiu mamit himin yaaik mamintar menmen Mitik luwe Jisas Kraiss hirak kiriakem.

### Haiu maa metike Kraiss

**6** <sup>1</sup><sup>m</sup>Te haiu han kitet mekam? Haiu wen mamriak menmen enum te God hanhan kakriuwai wisenum kakisak menmen maiu enum a?

<sup>i</sup> 5:18 1Ko 15:22    <sup>j</sup> 5:19 Ais 53:11    <sup>k</sup> 5:20 Ro 4:15, 7:8; Ga 3:19    <sup>l</sup> 5:21 Ro 6:23    <sup>m</sup> 6:1 Ro 3:5-8

Taauye! <sup>2</sup> Haiu epei meweikin sip mewet menmen enum haiu mire mit naa, haiu ap te emises menmen meiyam enum au emit! <sup>3</sup> Hi han kitet yi epei yertei menmen im. Nipaa mit nikrai meriuwe tipar haiu mit miyapir metike Krai Jisas mau han kiutip, hiram mar ke haiu metike Krai haiu maa. <sup>4</sup> Mit nikrai meriuwe tipar hiram mar ke haiu metike Krai maa. God hirak yaaik hirak manp enuk, te hirak kikiak Jisas Krai kekre nimin ne mit epei naa, hirak pike kekrit kau. Mar im haiu mit miyapir haiu mire mit pike nekrit nau, haiu mamises menmen yaaim keremem.

### Maain haiu mamtike Krai mamu haiu mamit himin yaaik

<sup>5</sup> Hiram mar im. Nipaa haiu metike Krai mau niutip, haiu maa metikerek. Te maain haiu mamtikerek mamu niutip haiu pike mamikrit mamu mamir ke in ek hirak epei kekrit kau. <sup>6</sup> Haiu mertei menmen im. Menmen nipaa haiu misesim mekre han kiau, hiram maa metike Krai mau nu tentarakit. Hiram maa mau nu tentarakit te in ek God kakiwaank menmen enum mekre han kiau kariyei haiu miriak enum, te haiu ap emises menmen enum han kai han kitetim mar ke mit enises menmen mit nir iuwe nanitporem au emit! <sup>7</sup> Yi yaa yetike Krai te menmen enum ap mamri han ki yi eiriak menmen enum au eiyintar yi yertei mit kerek hir epei naa, menmen enum ap te mamri han kir au. <sup>8</sup> Haiu nepei maa metike Krai, haiu mertei te maain haiu mamtikerek mamu mamit. <sup>9</sup> Haiu mamtikerek mamu mamit mamintar haiu mertei Krai nipaa kaa te God kikiak hirak kekrit kau. Hirak ap te pike kaki meiyam taau. Ap menmen mepu mamriakek (o mamrikek) hirak pike kaki taau! <sup>10</sup> Hirak nepei kaa, menmen enum mari han ke haiu mit ap te mamri han kirak taau! Hirak ap te pike kaki kakteipim au. In ek hirak kau te hirak ketike God tau niutip. <sup>11</sup> Mar im yi mit miyapir yi han ekitet yi nepei yaa, te menmen enum ap pike mamri han ki au. Yi pike yekrit yetike God yau niutip yentar yi ne Krai.

<sup>12</sup> Yi ap eiwis menmen enum me ti pike maminin yink ki kerek maain yi yayi hirak kakisine au emit! Yi ap eiwisim hiram mamri han ki te yi eiyises menmen enum me han ki hirak hanhanem. <sup>13</sup> Yi ap eiwis his hit nanamir him nikip hiram mamri (o mamiryi) han ki te yi eiriak menmen enum me ti au emit! Au, yi eiwet God em emtike han ki, yi eiwisik hirak kakikepi yi eiriak menmen yaaim. Yi yar ke mit naa, te God kekeleyi yi yekrit yau, te yi eiwetiwek menmen mi yapirwe. <sup>14</sup> Yi ap eiwis menmen enum me ti pike maminini au emit eiyintar him lo ap naanmipri yi yisesim te God kaktip yi yaain au. Yi nepei yenpin yekeipin menmen im.

<sup>n</sup> 6:2 1Pi 4:1   <sup>o</sup> 6:3 Ga 3:27   <sup>p</sup> 6:4 Kl 2:12   <sup>q</sup> 6:5 Fl 3:10-11   <sup>r</sup> 6:6 Ga 5:24   <sup>s</sup> 6:10 Hi 9:26-28; 1Pi 3:18   <sup>t</sup> 6:11 2Ko 5:15; Ga 2:19; 1Pi 2:24   <sup>u</sup> 6:12 Jen 4:7   <sup>v</sup> 6:13 Ro 4:15  
<sup>w</sup> 6:14 1Ko 15:21-22, 45

Yi yises menmen yaaim God nepei kerekyiyem weinim, te menmen enum ap te maminini au.

### Haiu emises menmen yaaim emriakem

<sup>15</sup>Yi han kitet mekam? Haiu wen mamriak menmen enum me ti mamintar haiu menpin mekeipin him lo me nipaa, in ek haiu mises menmen yaaim God nepei kerekyeyem weinim keremem a? Taauye! <sup>16</sup>Yi nepei yertei yi hiras eiwis mitik hirak naanmamri yi eiriak menmen mirak, yi eire mit nirak. Yi eiwis menmen enum me ti mamri han ki yi eiysesim, hiram mamrekyi maain yi yayi. Yi eiwis menmen yaaim God kerekyeyem hiram mamri han ki yi eiysesim, te yi eitike God eikiyan eiyu, hirak kaktip yi yaain. <sup>17</sup>Nipaa yi yewis menmen enum me ti mari han ki yi yisesim yiriak menmen enum. Te maain yi yemtau him yaaim mit hir netpiyem, te yi yisesim iuwe yeriuwe han ki. Haiu emtip God hirak yaaik ekintar menmen hirak kerekyiyem. <sup>18</sup>God hirak epei keriyei (o keryiyi) yi mit yi yeweikin sip yewet menmen enum me ti kerek nipaa mari han ki yi yisesim. Te in ek, yi yewis menmen yaaim me God mamri han ki yi eiysesim. <sup>19</sup>Hi hetpi heriuwe him im me wok mit hentar han ki hirak ap kertei menmen me God werak werak. Nipaa yi yewis his hit mi hiram mises menmen enum me ti mar im: Yi mit yetike miyapir yairiyahis yeweninem o menmen ham enum, te hiram mire mitik kekre winak enuk hirak kiriak menmen me mitik naanmipriwek ap keit pewek mererim au. Mar ke nipaa yi yiriak menmen enum em, in ek yi eiwis his hit mi o han ki hiram emises menmen yaaim, hiram mamir ke yi eiriak menmen yaaim me mitik yaaik naanmipri me menmen.

<sup>20</sup>Nipaa yi yises menmen enum hiram mari han ki minini, yi ap yises menmen yaaim me God hiram naanmipri au. <sup>21</sup>Nipaa yi yeit mekam yaaim me menmen enum im a? Taauye! In ek yi yink enuk yentar yi yiriakem. Menmen enum em hiram menipi yi yayi. <sup>22</sup>Te in ek God keriyei yi mit yi yinaaiwir menmen enum im hiram mari han ki yi yiriak enum. In ek yi yire mit ne God yi yiriak menmen me God te yi yayit menmen yaaim mamkepi yi eiyses menmen yaaim te maain yi eiyu eitike God tipmain tipmain enum eik. <sup>23</sup>Yi eiwis menmen enum mamri han ki yi eiysesim te maain yi eyit menmen im: Hiram mamnipi yi yayi! Te menmen yaaim God kakwetaiyem weinim, hiram menmen im: Haiu mamtike God haiu mamu mamit tipmain tipmain enum eik mamintar haiu mit miyapir ne Mitik kaiu Iuwe Jisas Krais!

### Tok piksa me mitik ketike mite hir neitan

**7** <sup>1</sup>Nai yinan, yi yertei menmen hi tewen etpiyem yentar yi yertei menmen yapirwe me him me gavman. Wi kerek mit nau ti, him im

<sup>x</sup> 6:15 Ro 6:1    <sup>y</sup> 6:16 Jo 8:34; 2Pi 2:19    <sup>z</sup> 6:18 Jo 8:32    <sup>a</sup> 6:21 Ro 7:5, 8:6, 13; 1Pi 1:9

<sup>b</sup> 6:23 Ro 5:12, 15

me gavman naanmipror ere hir nani, te him au meit. <sup>2</sup>Mite piutip wetike mitik kire hir neitan, him me gavman matip mitik wen kepu himin keriuwerek, mite wawu wautikerek. Maain hirak kaki, him me gavman ap te mamwenep au. Hire wauno wawit mitik hak. <sup>3</sup>Mitik kire wen kepu, hire wauno wawu wautike mitik hak, him me gavman matip hire enu wekitet naan. Mitik kire kaki, hire wauno wawit mitik hak, him me gavman matip hire enu au. Hiram mewisiye hire wawises han kire.

<sup>4</sup>Nai yinan, hi hehimiteni heriuwe him im me mitik hak. Yi yaa me him lo yentar yi yetike Kraisi yi yau han kiutip. Yi yire pinak ke yink kirak. Hirak epei kaa, te hiram mar ke yi yaa yetikerek. In ek yi yetike mitik hak yi yau niutip yar ke mite mitik kire epei kaa, hire wen weit mitik hak. Mitik hak kerek yi yetikerek yau niutip, hirak Kraisi kerek nipaa kaa. Hirak nipaa kaa, te God pike kikiak kekere nimin ke mit epei naa hirak kekrit kau. Te haiu mit emriak menmen yaaim me God. <sup>5</sup>Nipaa wi haiu mises han kaiu, him lo hiram menipai haiu hanhan emises menmen enum. Menmen haiu miriakem hiram menmen enum menipai haiu mami. <sup>6</sup>In ek him lo hiram ap naanmamrai me menmen mentar haiu mire mit epei naa. In ek menmen haiu miriakem God Himin Yaaike kekepai haiu emisesim. Menmen me lo nipaa haiu misesim, te God kaktip haiu yaain hiram nepei au meit.

### Menmen enum me ti meraiwaank

<sup>7</sup>Haiu mamtip mekam? Haiu mamtip him me God mau tiwei hiram enum a? Taauye! Him me God ap meteikno menmen enum, hi ap hertei hiram enum au. Him me God ap metpo, “Ti ap hemkre menepam hanhan menmen me mitik hak,” te hi hepitari menmen im hiram enum. Te hiram nepei meteikno hiram enum te hi yink enuk heriuwerem. <sup>8</sup>Menmen enum me ti man mekekyo han kai te hi hanhan menmen enum yapirwe mentar him me God matip hiram menmen enum emit. Him me God ap mepu metpo menmen hiram enum, te hi ap hanhan heriuwerem au, menmen me ti hiram mau meit mar ke mitik kaa. Hi hepitari hiram menmen enum. <sup>9</sup>Nipaa hi hepu te hi hetari menmen me him me God. Maain him me God epei man te hi hemtewem, menmen enum me ti mekekyo han kai hi hemkre menepam hanhan menmen enum yapirwe, te hi hertei hi hiriak enum, maain hi hahi. <sup>10</sup>Hi hertei him kerek God kewetayem, hirak hanhan hiram mamkepai haiu mamu werek, te hiram menipa hi hertei hi enuk maain hi hahi. <sup>11</sup>Menmen enum me ti man menepya mewisesik meriuwe him me God Moses kewisim mau tiwei te hi hiriak enum, maain hi hahi. <sup>12</sup>Him Moses kewisim mau tiwei, hiram meke God man metike

<sup>c</sup> 7:4 Ro 6:2, 11; Ga 2:19 <sup>d</sup> 7:5 Ro 6:21 <sup>e</sup> 7:6 Ro 8:2, 6:4 <sup>f</sup> 7:7 Eks 20:17; Diu 5:21

<sup>g</sup> 7:8 Ro 4:15 <sup>h</sup> 7:9 Je 1:15 <sup>i</sup> 7:10 Lev 18:5; Ro 10:5 <sup>j</sup> 7:11 Je 3:13; Hi 3:13 <sup>k</sup> 7:12 1Ti 1:8



him matip haiu ap hemkre emnepam hanhan menmen au emit! Him im hiram yaaim, hiram meteiknai menmen God hanhan haiu mit miyapir emisesim, hiram yaaim mekepai haiu mamu werek.

<sup>13</sup>Hi atip mekam? Menmen hiram yaaim menipa hi hahi a? Taauye! Menmen enum me ti menipa hi hahi. Hiram menipa hi hahi heriuwe him yaaim me God. Te him me God im hiram meteikno menmen me ti hiram menmen enum enum.

#### Menmen me ti merekir han kaiu haiu misesim

<sup>14</sup>Hiu mertei God kikaap him mirak te hi mitik enuk kerekek menmen enum me ti merekir han kai te hi hisesim. <sup>15</sup>Hi hepitari henmak te hi hiriak menmen. Menmen hi hanhan eisesim, hi hiriakem au. Hi hiriak menmen enum hi hineinim. <sup>16</sup>Hewaa meruri hi hiriak menmen enum hi hineinim, hiram meteikno him me God Moses kewisim mau tiwei hiram yaaim. <sup>17</sup>Te in ek hi hertei hi hirekes ap hiriak menmen enum im au. Menmen enum me ti mekre han kai menipa hi hiriak enum. <sup>18</sup>Hi hertei han kai ap kerekya hi hirekes hiriak menmen yaaim au. Hi hanhan ariak menmen yaaim te hi hiriakem taau! <sup>19</sup>Hi ap hiriak menmen hi hanhan hisesim au. Hi hiriak menmen hi hineinim. <sup>20</sup>Hi hiriak menmen hi hineinim, hiram meteikno hi hertei hi hirekes ap hiriak menmen enum im au. Menmen me ti mekre han kai menipa hi hiriak enum.

<sup>21</sup>Te hi hertei menmen im mepu. Hi hanhan hiriak menmen yaaim, te menmen enum keremem hiram mau mekre han kai. <sup>22</sup>Hi hekre han kai hatip him me God Moses kewisim mau tiwei hiram yaaim. <sup>23</sup>Te hi hir menmen ham mekre yink kai hiram miriak menmen ham. Hiram him ham enum im hiram metike menmen han kai katip hiram yaaim hiram menepam. Menmen im minina menipa hi hanhan hises menmen enum me ti. <sup>24</sup>Hi mitik enuk han enuk. Keimin kakikepa te hi ehinin menmen enum menipa hi hanhan ehises menmen enum me ti mekre han kai? <sup>25</sup>Hi han yaaik hentar God kakikepa hi ehinin menmen enum mekre han kai hentar menmen Mitik kaiu Iuwe Jisas Krai hira kiriakem. In ek hi hepu har ik. Hi heriuwe han kai hi hanhan hises him me God, te menmen enum mekre han kai menipa hi hanhan eises menmen enum me ti.

#### Krais kesak menmen enum maiu kewetai God Himin Yaaik kan kau kekre han kaiu

**8** <sup>1</sup>Te in ek God ap kakwep haiu mit miyapir kerek haiu ne Jisas Krais kakantar menmen enum haiu miriakem au. <sup>2</sup>God ap

<sup>1</sup> 7:14 Sam 51:5; Jo 3:6    <sup>m</sup> 7:15 Ga 5:17    <sup>n</sup> 7:18 Jen 6:5, 8:21    <sup>o</sup> 7:23 Ga 5:17; Je 4:1; 1Pi 2:11    <sup>p</sup> 7:25 1Ko 15:57    <sup>q</sup> 8:2 Ro 7:23-24

kakwep kakintar menmen im: God Himin Yaaik kerek kewetai himin yaaik hirak kenipai haiu ne Kraiss haiu mekiyan mau niutip keriyei haiu man minaiwir menmen enum me ti merekyei haiu miriak enum te haiu mami. <sup>3</sup>Han kiau enuk ke nipaa, hirak kewen him me God Moses kewisim mau tiwei hiram merekyei haiu mamre mit yaain au. Te menmen him me Moses ap merekyei haiu mit em au, God hirekes kiriakem. Hirak keriuwet nikan kirak kerekek hirak kine yink kirak kar haiu mit enun ne ti ik ek, hirak kan kaa kewaank menmen enum mari han kiau menipai haiu miriak enum, te hiram epei au mesi. <sup>4</sup>Hirak kiriak menmen im te haiu mit miyapir kerek ap mises han kiau enuk au, haiu emises han ke God Himin Yaaik, haiu emises menmen werek werek him me Moses metpai haiu emisesim (te God kaktip haiu yaain).

<sup>5</sup>Mit miyapir kerek hir nises han kir enuk, hir hanhan menmen enum mekre han kir kerekek. Te mit miyapir kerek hir nises han ke God Himin Yaaik, hir hanhan menmen yaaim hirak ketporem. <sup>6</sup>Mit miyapir kerek hanhan nanises menmen enum mekre han kir, maain hir nani. Mit miyapir han au, hir nanises menmen God Himin Yaaik ketporem, hir nantike God nankiyan nanu nanit te hir nanu werek. <sup>7</sup>Mit miyapir kerek nises menmen enum mekre han kir, God katip hir enun kentar menmen enum mekre han ke mit metike menmen yaaim me God hiram menepam. Hiram ap mises him kerek God ketpaiyem au, hiram mineinim. <sup>8</sup>Te mit miyapir kerek nises menmen enum mekre han kir, hir ap nanises menmen yaaim God hanhan hir nanisesim.

<sup>9</sup>Yi mit miyapir ap yises menmen enum mekre han ki au. God Himin Yaaik kau kekre han ki yi yayises menmen yaaim hirak ketpiyem. Mit kerek God Himin Yaaik kerek Kraiss keriuwetek kan ap kau kekre han kir au, hir ap ne Kraiss au. <sup>10</sup>Maain haiu mit miyapir mami mamintar menmen enum mekre han kiau. Te God Himin Yaaik kerek Kraiss keriuwetek kan, hirak kau kekre han kiau, himin kiau kaku kaktike God tipmain tipmain enum eik kakintar God katip haiu yaain. <sup>11</sup>God kerek nipaa kikiak Kraiss Jisas kekre nimin ke mit epei naa, hirak kekrit kau, maain hirak kakikekyi yi mit miyapir maain yayi. God Himin Yaaik kerek nipaa God keriuwetek kan kikiak Jisas kerek nepei kaa, hirak kau kekre han ki te maain God Haai kakriuwetek kakikekyi yi mit miyapir.

### **Himin Yaaik God keriuwetek kan hirak kenipai haiu nikerek nirak**

<sup>12</sup>Tis, nai yinan, haiu emises menmen God Himin Yaaik hirak ketpaiyem. Haiu ap emises menmen enum mekre han kiau hiram

---

<sup>†</sup> 8:3 Ap 13:38, 15:10; Fl 2:7; Hi 4:15    <sup>§</sup> 8:4 Ga 5:16, 25    <sup>†</sup> 8:6 Ro 6:21    <sup>¶</sup> 8:7 Mt 12:34; Jo 8:43, 12:39; Je 4:4    <sup>∨</sup> 8:9 1Ko 3:16, 12:3    <sup>∞</sup> 8:10 Ga 2:20; Ef 3:17; 1Pi 4:6

menipai haiu hanhanem. <sup>13</sup>Yi yises menmen enum mekre han ki maain yi yayi, te God Himin Yaaik kakikepi yi eiyiwaank menmen enum mekre han hiram ap mamnipi yi hanhan eiyisesim te yi eitike God eiyu.

<sup>14</sup>Mit miyapir kerek newis God Himin Yaaik naanmipror me menmen hir niriakem, hir nire nikerek ne God. <sup>15</sup>Himin Yaaik kerek God keriuwetek kan kau kekere han kaiu ap kenipai haiu ap pike minaain maain God kakwep au. Hirak kenipai haiu mire nikerek ne God hirak kekepai keriuwe menmen mirak iuwe te haiu niutip niutip matip God, "Ti Haai kai." <sup>16</sup>God Himin Yaaik hirekes ketpai himin kaiu haiu mire nikerek ne God. <sup>17</sup>In ek, haiu mire nikerek nirak, te haiu mamit menmen God kakwetaiyem. Haiu mamtike Kraiss mamit menmen yaaim mamantar haiu mertei menmen enum mamnen mamraiwaank mar ke nipaa menmen enum man mewaank Kraiss, haiu mamit menmen yaaim me God mar ke Kraiss epei ketiwem, te haiu mamu mamre iuwe mamtikerek.

**Maain haiu mit miyapir mamit menmen yaaim haiu mamu mamre iuwe**

<sup>18</sup>Menmen yaaim me Kraiss maain hiram mamnen kerek God kakwepyapirem kakwetaiyem hiram mamre menmen iuwe, te hi han kitet in ek menmen enum hiram mamraiwaank hiram mire menmen weinim. <sup>19</sup>Menmen yapirwe God kiriakem hiram han kir kekrit kekrit nemerir wi God hirak kakteiknor haiu nikerek nirak. <sup>20</sup>Menmen kerek God kiriakem hiram mau enum mentar God kewaankem. Hirak ap hanhan keriuwe menmen im te God kiriakem. Te menmen im mepu. <sup>21</sup>Maain God pike kaknip menmen hiram mamnaaiwir menmen enum menipem hiram mau enum, te hiram mamweikin yaaim mamu werek mamir ke haiu nikerek ne God haiu mamu mamre iuwe mamit menmen yaaim me God.

<sup>22</sup>Haiu mertei menmen yapirwe God kiriakem hiram mepu enum mar ke miyapir hir neteiknen nanine nikerek. Nipaa ere in hiram han enuk mepu memerir God pike kakriak menmen yapirwe hiram mamre yaaim. <sup>23</sup>Te hiram keremem au. Haiu mit miyapir kerek God Himin Yaaik kau kekere han kaiu, hirak kire menmen yaaim minin me menmen yapirwe maain God kakwetaiyem, haiu metikerem mepu han enuk memerir wi kerek God kaknipai haiu mire nikerek nirak. Me wi im hirak kaknipai yink kaiu hirak yaaik pike kaki taau! <sup>24</sup>God epei kekepai kaktaihis kentar haiu memtau him hirak ketpim haiu misesim, haiu memerir hirak kakwetaiyem. Haiu memerir hirak kakwetaiyem mamantar menmen haiu

× **8:13** Ga 6:8; Kl 3:5    † **8:15** 2Ti 1:7; Ga 4:5-6; Mk 14:36    ‡ **8:16** 2Ko 1:22    § **8:17** Ga 4:7; Rev 21:7    ¶ **8:18** Ro 5:2; 2Ko 4:17    †† **8:19** Kl 3:4    ††† **8:20** Jen 3:17-19    †††† **8:21** 2Pi 3:13; 1Jo 3:2    ††††† **8:23** 2Ko 5:2-4; Ga 5:5    †††††† **8:24** 2Ko 5:7

memerir mamtiwem hiram epei man, te haiu wen memeriuwem meiyam au. Haiu metiwem epei au. <sup>25</sup>Te haiu ap metiwem wen au. Haiu wen memerir menmen haiu han kitet hiram mamnen, haiu maminkikiwem maminkikiwem ere hiram mamnen. <sup>26</sup>Mar im God Himin Yaaik kekepai haiu mit miyapir kentar haiu ap mertei han ke God werek werek au. Haiu ap mertei mitehi God menmen werek werek au. God Himin Yaaik hirekes kekrehir kiau kitehi God Haai menmen keriuwe him haiu mit ap metpim au, haiu miriakem mire mitik ketnen park o han toenuk. <sup>27</sup><sup>h</sup>God Haai kerek kertei han ke mit yapirwe, kewenhi menmen God Himin Yaaik hanhanem kentar hirakit tau han kiutip te hirak God Himin Yaaik kekrehir ke haiu mit ne God hirak kitehi God Haai me menmen hiram mises han ke Haai keremem.

<sup>28</sup><sup>i</sup>Haiu mertei menmen yapirwe God kiriakem hiram mikaap haiu mit miyapir kerek haiu hanhan meriuwe God kerek hirak kehimitenai haiu emises menmen hirak hanhan em. <sup>29</sup><sup>j</sup>Menmen yapirwe God kiriakem hiram mikaap haiu mit miyapir mentar haiu mit kerek God nipaa kehimitenai haiu mamisesik. Hirak kehimitenai haiu mamir ke Nikan kirak Jisas Kraiss te hirak kakre iuwe mitik kakikre nimin ke haiu mit miyapir haiu mamre kikrek nirak. <sup>30</sup>Haiu mit miyapir kerek hirak nipaa kehimitenai maain haiu mamisesik, hirak kari han kiau haiu mamisesik. Haiu mit miyapir kerek hirak kari han kiau, haiu mamisesik hirak ketpai hirak kesak menmen enum maiu haiu yaain. Haiu mit miyapir kerek hirak ketpai haiu yaain, hirak kewetai menmen mirak yaaim.

**Menmen Jisas Kraiss kiriakem hiram meteiknai God  
han han iuwe keriuwe haiu mit miyapir**

<sup>31</sup><sup>k</sup>Hi han kitet menmen im God hirak hanhan keriuwai kekepai mentar menmen hi nepei hetpiyem, neimin hir nanininai a? Taauye! <sup>32</sup><sup>l</sup>God hirak ap kepakin Nikan kirak au, hirak keriuwetek kan kaa kekepai haiu mit miyapir yapirwe. Te hirak kakwetai menmen yapirwe weinin mamkepai mar ke hirak kewetai Nikan kirak weinik. <sup>33</sup><sup>m</sup>Neimin hir nansiuwe him nantip haiu mit miyapir kerek God kehimitenai haiu nirak, haiu enun a? Taauye! God hirekes epei katip haiu mit yaain. <sup>34</sup><sup>n</sup>Neimin hir nantip haiu emnen emno si a? Kraiss Jisas au! Hirak kaa te God kikiak hirak pike kekrit kau his yaaim me God kerek mit iuwe nanwik, hirak kitehi God Haai ke haiu mit! <sup>35</sup>Kraiss hirak han teweninai te mekam mamnen nimin mamremir menmen mirak ap te mamu mamtikewai mamkepai a? Mewaa meruri menmen enum mamnen mamraiwank, o menmen menipai haiu han enuk, o mit hir nenoyiai

<sup>h</sup> 8:27 Sam 139:1; 1Ko 4:5    <sup>i</sup> 8:28 Ef 1:11    <sup>j</sup> 8:29 Kl 1:18; Hi 1:6    <sup>k</sup> 8:31 Sam 118:6  
<sup>l</sup> 8:32 Jo 3:16    <sup>m</sup> 8:33 Ais 50:8    <sup>n</sup> 8:34 Sam 110:1; Ap 7:55-56; 1Jo 2:1

nanwep, hiram menmen mamremir menmen mirak ap te mamu mamikrai mamkepai au a? Mewaai meruri haiu ninpi meweï o haiu ap metenen klos o pewek mei, o menmen enum mamraiwaank, o mit nanwep haiu mami, hiram mamremir menmen me Kraï ap te mamikrai mamkepai au a? Taauye! <sup>36</sup>°Him me God mau tiwei Sam hiram matip mar im:

“Mit nanoyiyai haiu mit hir nanwep me witaan wanewik, hir nerekyei haiu mire sipsip kerek mit neriyei nanino nanwep. Mit nerekyeyem nentar haiu mit miyapir kerek mises him mit em.”

<sup>37</sup>P<sup>Au</sup>, menmen im hiram weinim. Kraï hirak hanhan keriuwai te haiu maminin menmen enum im. Haiu mamu werek me menmen enum mamraiwaank. <sup>38</sup>Haiu maminin menmen enum im mamraiwaank mamantar hi hertei hirak han teweninai te menmen ap mamnen nimin mamremir menmen mirak hiram ap te mamu mamikrai mamkepai au. Haiu wen mepu o maain haiu mami hiram menmen weinim. Ensel o tipir o herwe o menmen iuwe meit wit ke God, nepni o menmen epei man in o maain hiram mamnen, hiram ap te mamremir menmen me Kraï hiram ap te mamu mamikrai mamkepai au! <sup>39</sup>God Haai han teweninai haiu mit miyapir kentar haiu ne Jisas Kraï Mitik kaiu Iuwe. Te menmen mau nepni o menmen mau minik ti o menmen mei miutip nipaa God kiriakem ap te mamremir menmen mirak hiram ap te mamu mamikrai mamkepai au.

### Pol han tewenin mit miyapir ne Isrel

**9** <sup>1</sup>Hi hatip werek hentar hi hises him me Kraï. Hi ap hewisesik au. Han kai keit nimin kerek God Himin Yaaik kau kekrerek, hirak ketpo hi hatip werek me menmen im. <sup>2</sup>Hi han enuk, hekrit hekirt hi han tewenin mit miyapir.

<sup>3</sup>Hi hanhan God kakweikin sip kakweto kakipira hi enaaiwir Kraï hi ekrehir ke mit miyapir yapirwe ne Isrel, haiu ne maam nipu kiutip, te hir nanises him me Kraï. <sup>4</sup>Haiu mit miyapir ne Isrel, God kehimitenai haiu nirak, hirak kenipai haiu nikerek nirak, haiu nepei mir menmen mirak yaaim merhihe. Hirak ketpai him mirak hirak kakisesim, hirak kewetai him mirak ham haiu emisesim. Haiu emirtei mewenipi niuk me God werek werek, God katip hirak kakikepai kaktaihis. <sup>5</sup>Haiu nepenyerer ne maamrer taiu iuwe Ebrahim, Aisak, Jekop. Kraï hirak kire mitik ke ti hirak nepenyek ke maamrer it. Hirak kerekek hirak God hirak naanmipre menmen yapirwe haiu emwenipi niuk mirak tipmain tipmain enum eik. Keremem.

° 8:36 Sam 44:22; 2Ko 4:11    P 8:37 Jo 16:33    ° 9:3 Eks 32:32    ° 9:4 Eks 4:22; Diu 7:6, 14:1-2    ° 9:5 Mt 1:1-16; Jo 1:1; Ro 1:25

### God kehimitan mit miyapir nirak

<sup>6</sup>Hi ap hatip menmen nipaa God ketpim in ek hirak ap kisesim au. Mit miyapir yapirwe ne weiwik miutip me Isrel, God hirak ap kehimiteni yapirwe hir nirak au. <sup>7</sup>“Hir nepenyerer yapirwe ne Ebrahim hir ap nikerek ne God nar ke maam kir nentar hir ap nises him me God. God katip Ebrahim kar ik: “Nepenyerer ne Aisak keriyen, hir nepenyerer nit. Hi hetput hir nanit menmen mei. Nepenyerer han en au.” <sup>8</sup>“Nikerek kerek Ebrahim kinen weinin, hir ap nikerek ne God au. Nikerek Ebrahim kinen kentar God hirak ketpiwekem kekepik kakini, hir keriyen nire nikerek ne God. <sup>9</sup>“God katip Ebrahim him mar im: “Maain wi kerek hi himat hi pike anen hi akaap Sera hire wawitu hire wawine nikan.”

<sup>10</sup>“Menmen im keremem meteikni nepenyerer ne Ebrahim hir yapirwe ap nikerek ne God keriyen au. Nikerek hirakit te Rebeka hirakit te haai kiutip, hirak maam nipu kaiu Aisak. <sup>11-12</sup>“Rebeka ap wine nikerek hirakit tei tire wen au, God kehimitan Jekop hirak kire nikan kirak, te Iso au. Hirakit ap tiriak menmen yaaim o enum wen au, God kehimitanek te hirak kakteiknai hirak kises han kirak kehimitan mit hir nikerek nirak. Menmen hir niriakem ap mamri han kirak au. God katip Rebeka kar ik: “Maain Iso nikan iuwe mitik hirak kakises him me nikik kirak Jekop.” <sup>13</sup>“Him me God mau tiwei Malakai kewisim hiram matip mar im: “Hi hanhan iuwe heriuwe Jekop hi hehimitanek hirak nikan kai. Hi hanhan kike heriuwe Iso, hi heperek hirak ken.”

<sup>14</sup>Te haiu mamtip mekam? God hirak kises menmen hiram ap yaaim a? Taauye! <sup>15</sup>“God katip Moses kar ik: “Hi han tewenin mit miyapir kerek hi hanhan akepi. Hi hises han kai hi akaap mit miyapir.” <sup>16</sup>“Te haiu ap mamtip God hirak hanhan keriuwe mit miyapir kentar menmen hir hanhanem o menmen hir niriakem au. God kises han kirak kehimiteni hir nirak kerekek. <sup>17</sup>“Haiu mekine him me God Moses kewisim mau tiwei, God katip mitik iuwe Fero ke Isip menmen kar ik: “Hi hewisit ti hire mitik iuwe ke Isip te menmen im hi herekyutem, mit miyapir nanirtei hi manp enuk iuwe hir mit miyapir nerer wit wit nanwenipi niuk mai.” <sup>18</sup>“God hirak han tewenin mit miyapir kerek hirak hanhan kekepi, te hirak kises han kirak kenip mit miyapir han hir nanwenin han kir ke menmen.

### God kewaank mit han, hirak kikaap mit han

<sup>19</sup>Mitik kiutip kekere niman ke yi mit ketpo kar ik: “Menmen ti hetpaiyem hiram werek, God kenmak te hirak kaktip haiu mit enun a?”

---

<sup>t</sup> 9:6 Nam 23:19; Ro 2:28    <sup>u</sup> 9:7 Jen 21:12    <sup>v</sup> 9:8 Ga 4:23    <sup>w</sup> 9:9 Jen 18:14    <sup>x</sup> 9:10 Jen 25:21    <sup>y</sup> 9:12 Jen 25:23    <sup>z</sup> 9:13 Mal 1:2-3    <sup>a</sup> 9:15 Eks 33:19    <sup>b</sup> 9:16 Ef 2:8    <sup>c</sup> 9:17 Eks 9:16    <sup>d</sup> 9:18 Eks 4:21, 9:12, 14:4

Keimin kakwenin God me menmen hirak hanhan kakriakem a? Taauye!”  
 20<sup>e</sup> “Kai yinak, ti han kitet ti iuwe te ti pike atip God me menmen hirak  
 kiriakem a? Hause kerek mite hire wewisim me haak hiram ap mamtip  
 mamir ik: “Ti henmak ti ap hewena hi hire kurpe a?” 21<sup>f</sup> Mite kerek  
 weit hause hire wawises han kire waunip menmen weriuwerem. Hire  
 weit hause weremir, meiyam hire wewenem mire kurpe, meiyam au  
 hire wewisim mire hause me wewis haak o heurek hire weneipetem  
 mekrerem.

22 Menmen God kiriakem hiram mar im. Hir mit enun nire tikenup o  
 hause hiram mewep, te God hanhan kakteikin menmen mirak iuwe hirak  
 kakiwaank mit enun nar ik. Hirak hanhan kakiwaank mit nar ik kerek  
 hirak ap kiriakem waswas au. 23<sup>g</sup> Te hirak hanhan kakteiknai menmen  
 yaaim mirak iuwe, hirak nepei kewetai pinam, haiu mit han haiu mire  
 hause kurpe te hirak hanhan keriuwai. Nipaa hirak kenipai han kai  
 te maain haiu mamre yaain mamit pinam me menmen yaaim mirak.  
 24 Hirak kehimitan haiu mit miyapir han ne Isrel keriyen haiu mamit  
 menmen im yaaim au. Haiu mamtike mit miyapir han ne weiwik ham,  
 haiu yapirwe mamit menmen mirak yaaim. 25<sup>h</sup> Mau tiwei Hosa kewis  
 God katip kar ik:

“Mit miyapir kerek ap ne weiwik mai, hi hehimiteni hir mit miyapir  
 nai.

Hir ne weiwik nipaa hi ap hanhan heriuweri, te in ek hi hanhan  
 heriuweri.

26<sup>i</sup> Maain wit kerek nipaa mit han natip hir ap mit miyapir ne God, te  
 hir mit han nanitpor nanir ik, ‘Yi hiras yi nikerek ne God kerek  
 hirak kaku tipmain tipmain enum eik.’ ”

27<sup>j</sup> Mitik profet Aisaia kewis him me God katip ke Isrel kar ik:

“Maain mit miyapir ne Isrel hir nanine nikerek nantin yapirwe  
 nanre tenhaan ke mani, te God kakikaap mit neiyam kike nimin ne  
 hir mit yapirwe kaktohis.

God ap te kakmerir wi yapirwe te mit miyapir nanweikin sip nanwet  
 menmen enum.

28 Au, hirak keremir wi yinam te hirak skelim mit kakintar menmen  
 enum hir niriakem.” 29<sup>k</sup> Nipaa Aisaia katip me menmen im.

Hirak kewis him mau tiwei mirak. Hiram matip mar im:

“God hirak Mitik luwe naanmipre mit ne ami neit wit kirak  
 hirak ap kewis nepenyerer nai ne weiwik me Isrel hir nepu, te  
 haiu weiwik maiu nepei au mesi mire mit miyapir nipaa nau  
 neit wit Sodom ketike wit Gomora.”

<sup>e</sup> 9:20 Ais 29:16, 45:9    <sup>f</sup> 9:21 Jer 18:6    <sup>g</sup> 9:23 Ef 1:3-12; Ro 8:29    <sup>h</sup> 9:25 Hos 2:23

<sup>i</sup> 9:26 Hos 1:10    <sup>j</sup> 9:27 Ais 10:22-23    <sup>k</sup> 9:29 Ais 1:9

### Him yaaim me God mamkaap mit ne Isrel netike mit ne weiwik ham

<sup>30</sup> Haiu mamtip mekam a? Haiu mamtip menmen im. Mit miyapir kerek ap ne weiwik me Isrel hir ap hanhan nanriak God hirak katip hir yaain. Te hir nemtau him mirak hir nisesim te God katip hir yaain. <sup>31</sup> Te mit miyapir ne Isrel kerek God kehimiteni hir mit nirak, hir au. Hir hanhan nanises him lo me Moses, te God kaktip hir yaain. Te God au, hirak keweikin sip kewetir. <sup>32</sup> Kenmak te God katip hir enun hirak keweikin sip kewetir? Hirak kiriakem kentar hir ap nises him mirak weinim au. Hir han kitet hir enriak menmen yaaim te God kaktip hir yaain. Hir han enuk neriuwe Kraiss hir ap nisesik au. Hir nire mit kerek Aisaia ketpim kewis him mau tiwei mirak, hir nerewo nan naninkewin. <sup>33</sup> Aisaia kewis him mar im:

“Yi eiyimtau. Hi God ewis mitik keit wit Saion hirak kakre nan tokik. Hirak kakiwaank mit miyapir kakintar menmen hir ninapen nanisesim nanir ke mit hir nerewo nan nenkewin. Te mit kerek hir nanimtau him mirak nanisesim, hir ap te han enuk nanriuwerek au, hirak kakikepi.”

### Mit miyapir ne Isrel ap nises God werék werék au

**10** <sup>1</sup> Yi nai yinan, hi hanhan wisenum mit miyapir yapirwe ne weiwik mai Isrel hir nanweikin sip nanwet menmen enum te God kakikepi kaktorhis. Hi hitehi God me menmen im. <sup>2</sup> Hi hertei te hi hewepyapiri hetpi hir hanhan wisenum nises God te hir ap nertei werék werék menmen hirak hanhan hir nanisesim. <sup>3</sup> Hir nertei menmen God kiriakem, te hirak katip haiu mit haiu yaain. Hir nertei menmen im me God hir nises han kir nekrehir ke menmen God kiriakem. Te hir ap hanhan nanises menmen God kiriakem te hirak kaktip hir yaain au. <sup>4</sup> Kraiss hirak kekrehir ke him nipaa God kewet Moses em, hiram nepei au mesi. Te mit miyapir kerek hir nanises him me Kraiss, God kaktip hir mit miyapir yaain.

### God hirak hanhan pike kakithis mit miyapir yapirwe

<sup>5</sup> Moses katip menmen im me him kerek God kewetiwekem hirak kewisim mau tiwei. Hirak katip kar ik: “Mit miyapir kerek hir nanises him im werék werék, maain hir nanu natike God.” <sup>6</sup> Te him me God matip menmen im me mit miyapir hir nises him me Kraiss te God kaktip hir yaain. Hiram matip mar im: “Yi ap han ekitetim emir im: ‘Neimin hir

<sup>1</sup> 9:30 Ro 10:20    <sup>m</sup> 9:31 Ro 10:2-3    <sup>n</sup> 9:32 Ais 8:14    <sup>o</sup> 9:33 Ais 28:16; 1Pi 2:6; Ro 10:11

<sup>p</sup> 10:2 Ap 22:3    <sup>q</sup> 10:3 Ro 9:31-32    <sup>r</sup> 10:4 Mt 5:17; Jo 3:18    <sup>s</sup> 10:5 Ro 7:10; Ga 3:12

<sup>t</sup> 10:6 Diu 30:12-14



nanino wit ke God hir nanithis Krai neiyik naninen ti?’ ” <sup>7</sup>O yi ap eitip eiyir ik: “Neimin hir nanino wit kerek mit naa himin kir kiwaairi hir nanit Krai neiyik naninen ti ik?” <sup>8</sup>Him me God matip mar im: “Him me God hiram mau menep mamkepi. Hiram mau mekre him mi, mau mekre han ki mentar yi yerteyem.” Him im hiram him yaaim haiu metpiyem yi eiyisesim. <sup>9</sup>Haiu matip mit miyapir menmen mar im: “Yi eitip eiriuwe him ki yi eitip, ‘Jisas hirak Mitik Kaiu Iuwe naanemprai,’ yi han kitet eikre han ki God nepei kikiak Jisas kerek kiwaai kekre nimin ke mit nepei naa, hirak pike kekrit kau, te God kaktihis.” <sup>10</sup>Haiu han kitet menmen me Krai mekre han kaiu, haiu matip meriuwe him maiu haiu misesik, te God katip haiu mit yaain, hirak kaktaihis. <sup>11</sup>“Him im yaaim mentar Profet Aisaia kewis him me God mau tiwei hiram matip mar im:

“Mit miyapir niutip niutip hir nises him me Krai, hir ap han enuk nanriuwerek au, hirak kakikepi.” <sup>12</sup>“Him im matip me mit miyapir yapirwe ne weiwik me Isrel, mit miyapir ne weiwik ham nerer wit wit. God ap han kitet me weiwik me mit au. God hirak ke haiu mit miyapir yapirwe, te hirak kakikaap mit miyapir kerek hir nises him mirak, hirak kakikepi iuwe. <sup>13</sup>“Hirak kakikepi iuwe kakintar him me God profet Joel kewisim mau tiwei matip mar im:

“Mit miyapir kerek hir nitehi Mitik Iuwe, hirak kakikepi kaktorhis.”

<sup>14-15</sup>“Hir ap nises him me Krai nanirkeik te hir nanitiwekhi hirak kakikepi kaktorhis a? Hir ap nemtau him me Krai nanirkeik te hir nanirtei hirak kakikepi a? Mit ap netpor him me Krai nanirkeik te hir nanimtau him mirak a? God ap te kaksiuwe mit nanino nanitpor him me Krai nanirkeik te hir nanimtwem a? Taauye! Him me God Aisaia kewisim mau tiwei matip mar im: “Mit kerek hir naninen nanitpai him yaaim me Krai, hir niriak menmen yaaim.”

#### Mit miyapir ne Isrel ap nises him yaaim me Krai

<sup>16</sup>“Mit miyapir yapirwe ne Isrel ap nises him yaaim im me Krai au. Mitik profet Aisaia kewis him mau tiwei matip mar im:

“Mitik Iuwe, mit miyapir niutip niutip hir nemtau him maiu hir nisesim. Mit miyapir yapirwe han en au.” <sup>17</sup>“Te mit miyapir hir nises him me Krai nentar hir nemtwem. Hir nemtwem nentar mit epei nen netporem. <sup>18</sup>“Hi hitihi menmen im. Mit miyapir ne Isrel hir nepei nemtau him yaaim me Krai im o au a? Hir epei nemtwem ye! Him me God mau tiwei Sam hiram matip mar im:

“ 10:11 Ro 9:33    † 10:12 Ap 15:9    \* 10:13 Joe 2:32    x 10:15 Ais 52:7    † 10:16 Ais 53:1;  
Jo 12:38    † 10:17 Jo 17:20    \* 10:18 Sam 19:4

“Him kerek mit hir netpim men merer wit wit kerek mit newi.”

<sup>19</sup><sup>b</sup>Hi pike ehitihi menmen. Yi han kitet mit miyapir ne Isrel hir netari him im a? Auye! Moses kinin kewis him me God mau tiwei me menmen im hiram matip mar im:

“Maain hi God hi ehiti mit miyapir hir ne weiwik ham weinim hir netari menmen mai au, hi anipi yi yink enuk han enuk eiriuweri yi hemkre menepam eiriuwe menmen hi erekyorem.” <sup>20</sup><sup>c</sup>Profet Aisaia hirak kinapen kewepyapir him me God au. Hirak katip kar ik:

“Hi God hewis mit kerek nipaa hir ap hanhan nisisa, in ek hir nerteiya te hir nises him mai. Hi hewepyapir hirekes herp yaain te mit kerek nipaa ap nitehi mit han me hi, in ek hir nises him mai.”

<sup>21</sup><sup>d</sup>Aisaia katip him im me mit miyapir ne Isrel. Hirak katip kar ik:

“Hekrit hekrit me wi yapirwe hi God hewis his mai eninor hir nanisisa, te hir au, neweikin sip neweto, hir nena netpo enum.”

### God hirak hanhan keriuwe mit miyapir han ne Isrel

**11** <sup>1</sup><sup>e</sup>Hi ehitihi menmen. Yi han kitet God nepei keweikin sip kewet mit miyapir nirak ne Isrel a? Taau! Hi hirekes hi mitik ke Isrel, hi nepenyek ke Ebrahim, hi ke weiwik me Bensamin. Te menmen im meteikni God ap keweikin sip kewetai mit ne Isrel au. <sup>2</sup>God ap keweikin sip kewet mit miyapir nirak kerek nipaa hirak kehimiteni hir nirak. Yi yertei him mau tiwei me God hiram matip me Profet Ilaija hirak kesiuwe him men Isrel hirak katip God kar ik: <sup>3</sup><sup>f</sup>“Mitik Iuwe, mit ne Isrel hir nenep mit profet nit, hir nari kinaan newenem me mit hir newepwar menmen newetutem. Hir mit enun nenep mit profet naa nenepi. Hi kerekek hi hepu hir ninetnau naniyep.” <sup>4</sup><sup>g</sup>God hirak ketpiwek mekam a? Hirak katip kar ik: “Hi ap heweikin sip hewet mit miyapir nar ke 7,000 hir wen nises him mai hir ap newen ninip nanwenipi niuk me tipir Bal au.”

<sup>5</sup><sup>h</sup>Mar ke nipaa God naanmipre mit kerek hir nisesik te in ek hirak kehimitan mit miyapir ne Isrel han hir nisesik nentar hirak hanhan keriuweri. <sup>6</sup><sup>i</sup>God kises han kirak kehimiteni hir nirak kentar hirak hanhan keriuweri weinim ap menmen hir niriakem o nisesim au. Hirak kehimiteni kentar hir niriak menmen yaaim te God ap hanhan keriuweri weinim au.

<sup>7</sup><sup>j</sup>Hi hatip menmen im. Menmen Isrel hir hanhan nantiwem neriuwe him hir nisesim, hir ap netiwem au. Te mit kerek God hanhan keriuweri

<sup>b</sup> 10:19 Diu 32:21   <sup>c</sup> 10:20 Ais 65:1   <sup>d</sup> 10:21 Ais 65:2   <sup>e</sup> 11:1 1Sml 12:22; Sam 94:14; Fl 3:5   <sup>f</sup> 11:3 1Kin 19:10, 14   <sup>g</sup> 11:4 1Kin 19:18   <sup>h</sup> 11:5 Ro 9:27   <sup>i</sup> 11:6 Ga 3:18   <sup>j</sup> 11:7 Ro 9:31

kehimiteni hir mit nirak, hir keriyen netiwem. Mit han au, God kewenin han kir hir nisesik au. <sup>8</sup> Him me God mau tiwei mitik profet Aisaia kewisim hiram matip mar im:

“God kewenin han kir te menmen hir nirem, hir ap nisesim.

Menmen hir nemtewem, hir ap nisesim.

Hir nepu nepir kerek nipa ere in.” <sup>9</sup> Him me God mau tiwei Devit kewisim hiram matip mar im:

“Hi hanhan God hirak kakwis menmen kerek hir niam nanim hiram mamriwaank mamir ke tirpe menep samiyak, o mamir ke nan kiwaai yayiwe mitik kakrewetik hirak kakinkewin.

<sup>10</sup> Hi hanhan nanamir kir toto te hir ap nir ein ein au.

Hir han kir enuk me menmen enum mamnen mamnip mamiwaanki nanir ke mite sip kin hire weremtit menmen wauno yanimin.”

### God kikaap mit miyapir ap ne weiwik me Isrel kaktorhis

<sup>11</sup> Hi pike ehitihi menmen. Yi han kitet mit miyapir ne Isrel hir newaank hiras keriyen nar ke mit nentirer nan nenkewin nani me wi hir neweikin sip newet him me Kraisa? Taauye! Hir neweikin sip newet him me Kraisa te God kakikaap mit miyapir han ne weiwik ham, hirak kaktorhis. Hirak kaknip mit miyapir ne Isrel hir han enuk nanriuwari nanintar menmen yaaim God kerekoyem. <sup>12</sup> Menmen enum mit miyapir ne Isrel hir niriakem menip God hirak kikaap mit miyapir han ne weiwik ham kewetir menmen mirak yaaim. Hir ne Isrel neweikin sip newet menmen yaaim me God te God kewet mit miyapir han em. Maain, mit miyapir yapirwe ne Isrel nanweikin sip nanises him me Kraisa menmen im mamkaap mit miyapir yapirwe nerer wit wit mamkepi wisenum.

<sup>13</sup> In ek hi hetpi yi mit miyapir ap ne Isrel. Hi aposel kerek God keriuweta hi han yi mit miyapir ap ne weiwik me Isrel, te hi han yaaik hi hetpi yi mit him mirak. <sup>14</sup> Te hi mitik kiutip ke Isrel hi hari han ke mit miyapir yapirwe ne Isrel hi enipi hir han enuk hemkre menepam neriuwe menmen yaaim God kewet mit miyapir ne weiwik ham em. Te hir hanhan enises him me Kraisa te God kakikepi kaktorhis. <sup>15</sup> God nepei kewis yi mit miyapir ne weiwik ham ap ne Isrel yi yetikerek yekiyau yantar hirak nepei keweikin sip kewet mit miyapir ne weiwik me Isrel. Maain hirak pike kaktorhis hir nantikerek nankiyau nanu, yi han kitet mekam mamnen? Menmen im. Hir nanu werek nanir ke mit nipa naa hir pike nekrit. <sup>16</sup> Mit hir nehimitan nu nekinpi hiram me God, te nu heneik, tiwei o nikim mirak, hiram me God. Ebrahim ketike mit profet hir yaain hir nikerek ne God. Te maain nepenyerer nir hir nanire nikerek ne God.

<sup>k</sup> 11:8 Diu 29:4; Ais 29:10    <sup>l</sup> 11:9 Sam 69:22-23, 35:8    <sup>m</sup> 11:11 Ap 13:46; Ro 10:19

<sup>17</sup>God nepei keremir heneik enum me mapik. Menmen im meteiknai God keweikin sip kewet mit miyapir han ne weiwik me Isrel. Te hirak ketihis yi mit miyapir han ne weiwik ham, yi yire mapik me yaank heneik miram, hirak keremir kemtin mau mapik me wit mekrehir ke mapik heneik nepei maa. Yi yepu yari wi miram te yi eiyu werek werek. <sup>18</sup>Te yi ap einan yipir eiwirek me mit miyapir ne Isrel God kepiri kar ke mit hir newen nu heneik newirem au emit! Yi ap han ekitet yi iuwe au. Yi yire nu heneik keriyen. Nu heneik ap te naanmipre nekinpi au. Hiram nekinpi em hiram naanmipre nu heneik. Hirak au, hir mit ne Isrel hir nire nu nekinpi, yi mit ne weiwik ham yi yire nu heneik.

<sup>19</sup>Yi eitip eiyir ik: "God kepir mit miyapir enun ne Isrel kire mit newen nu heneik newirem, kewisai haiu mit miyapir ne weiwik ham haiu mekrehir kir te haiu yaain." <sup>20</sup>Him im hiram yaaim te yi naanempre hiras me menmen im. God kepiri nentar hir ap nises him mirak te yi yekrehir kir yi yau yentar yi yises him mirak. Te yi ap han kitet yi yaain au. Yi naanempre hiras werek werek me menmen yi yisesim te yi ap einaiwirem au. <sup>21</sup>God ap hanhan keriuwe mit miyapir ne Isrel hir neweikin sip newetiwek. Au, hirak kepiri. Hir nire mapik heneik me wit, te yi au, yi yar ke mapik heneik ke yaank. Te yi ap eiyisesik, yi han kitet hirak ap kakipiri kakriwaank a? Taauye! Hirak kakipiri kakriwaank ye! <sup>22</sup>In ek haiu mertei God wi ham hirak hanhan keriuwe mit, wi ham au kakiwaanki. Hirak kewaank mit miyapir kerek ap nisesik, te yi kerek yi yisesik hirak hanhan keriuwi. Yi wen yisesik, hirak hanhan kakriwi, o au en, hirak kakipiri kakir ke mit hir newen nu heneik epei maa hir newirem. <sup>23</sup>Mit ne Isrel nanweikin sip han ekitet him yaaim me Kraiss, hir nanises God, hirak pike kaktorhis nantikerek nankiyan nanu nanir ke mit neremir nu heneik, hir pike nekinim nanwisim mamu heneik nipaa hir neremir, hiram mamwo. <sup>24</sup>God kertei kiriak menmen im kentar menmen hi hetpiyem im. Yi mit ap ne weiwik me Isrel yi yire mapik heneik miram me yaank te God nepei kewisi yi yekiyan yau yetikerek yire mapik hen eik me yaank, hiram mau mapik me witeik, hiram mewo. Mit ne Isrel hir nire mapik heneik hiremes me wit te hiram menmen weinim God kaktorhis hir nantikerek nankiyan nanu nanir ke mit pike newis mapik heneik nipaa hir neremir, hiram pike mamwo.

### **God hanhan keriuwe mit miyapir yapirwe**

<sup>25</sup>"Nai yinan, hi hanhan yi yertei werek werek him nipaa mit ap nerteiyem. Hi hanhan yi yerteiyem te yi ap han ekitet yi yertei menmen yapirwe. God nepei kenip mit miyapir han ne Isrel hir newenin han kir

---

<sup>n</sup> 11:25 Ro 12:16; Lu 21:24; Jo 10:16

ere maain mit miyapir ne weiwik ham kerek God kehimiteni hir nanises him mirak hir naninen nanisesik. <sup>26</sup>Maain wi im nepei au mesi, mit miyapir yapirwe ne Isrel nanises God hirak kakikepi kaktorhis. Him me God mau tiwei matip me menmen im hiram matip:

“Mitik kerek kakikaap mit hirak mitik ke wit Saion, hirak kakipir menmen enum mekre han ke nepenyerer ne maam nipu ke Jekop.

<sup>27</sup>Wi kerek hi ahisak menmen enum mir, hi hises him nipaa hi hetpim.” <sup>28</sup>Mit ne Isrel hir neweikin sip newet him yaaim me Kraiss, te God han enuk keriuweri, hirak kikaap yi mit miyapir ne weiwik ham. Te God kehimitan mit ne Isrel hir mit miyapir nirak hirak hanhan keriuweri kentar nipaa hirak katip maamrer tau Ebrahim, Aisak, Jekop, hirak ketpiwekit kar ik: “Hi naanmamre nepenyerer ni erekyor yaaim.” <sup>29</sup>Maain God pike kakrekoyor yaaim kakintar hirak ap te kakweikin han kirak me mit miyapir ne Isrel kerek hirak kehimiteni hir nirak. Hirak kakikepi.

<sup>30</sup>Nipaa yi mit miyapir ne weiwik ham, yi yeweikin sip yewet him me God, te in ek God hanhan kariuwi kekepi kentar mit miyapir ne Isrel hir neweikin sip newet him mirak. <sup>31</sup>God hanhan keriuwi kekepi kentar hir mit miyapir ne Isrel neweikin sip newet him me God. Te in ek hirak God pike hanhan kakriuweri kakikepi. <sup>32</sup>God nepei kenipai haiu mit yapirwe haiu meweikin sip mewet menmen hirak ketpaiyem. Haiu meweikin sip mewet menmen hirak ketpaiyem, te maain hirak hanhan kakriuwai haiu mit miyapir yapirwe, hirak kakrekoyai menmen yaaim kakikepai.

### Haiu mamwenipi niuk me God

<sup>33</sup>God kaiu hirak yaaik iuwe. Menmen hirak han kitetim, menmen hirak kerteiyem, hiram yapirwe mire tenhaan me wan, hiram iuwe mesikenik. Haiu ap te mamirtei kenmak hirak kiriak menmen o markeik hirak kiriak menmen me haiu mit. Hirak kiriakem keremem. <sup>34</sup>iram mire him me God mau tiwei metpim. Hiram matip mar im:

“Keimin hirak kertei menmen Mitik Iuwe God hirak han kitetim o keimin hirak kertei iuwe te hirak ekitpiwek hirak kakriak menmen im o menmen eim?

<sup>35</sup>“Taauye! Keimin hirak nepei kewet God menmen te hirak kakwetiwekem mamikrehir kirak a?

<sup>36</sup>“Taauye! Menmen yapirwe mepu, hirak God kerekek kiriakem. Hirak wen naanmire menmen yapirwe, hiram mau mamkepik. Haiu emwenipi niuk mirak in ere tipmain tipmain enum eik. Keremem.”

° 11:26 Mt 23:39; Ais 59:20-21; Sam 14:7    P 11:27 Ais 27:9; Jer 31:33-34    ¶ 11:32 Ga 3:22; 1Ti 2:4    † 11:33 Ais 55:8-9    § 11:34 Ais 40:13; 1Ko 2:16    † 11:35 Jop 41:11  
 ° 11:36 1Ko 8:6

**Haiu mamwet God yink kaiu ketike han kaiu mamir  
ke mit newepwar menmen newet God em**

**12** <sup>1</sup>Nai yinan, hi hetpi him manp mar im. God nepei hanhan keriuwe haiu mit, hirak kerekyei menmen yaaim kekepai keriuwerem. Te yi eiwet God yink ki ketike han ki eiyr ke mit hir newepwar menmen newet God em. Yi eiwet God yink ki ketike han ki, yi eiysesik eiriak menmen mirak. Te hirak han yaaik kakriuwi. Mar im yi yewenipi God werek werek yekre han ki. <sup>2</sup>Yi ap eiyses menmen eiyr ke mit miyapir ne ti hir nisesim au emit! Yi eiwis God hirak kakweikin han ki te yi eire mit hir han kir hanhan nanises God werek werek. Te yi eiyrtei menmen God hanhan yi eiysesim. Hiram yaaim mamnip God han yaaik, hiram mamkepi werek werek.

**Haiu mamwis menmen God Himin Yaaik kewetiyem  
hiram mamkepai haiu mamriak menmen**

<sup>3</sup>Hi hetpi menmen im hentar God hanhan keriuwa hi hiriak menmen mirak. Yi ap han ekitet yi yire mit miyapir iuwe yinin mit miyapir han au emit! Yar ke yi yises God yeit menmen God Himin Yaaik kewetiyem mamkepi yi yiriak menmen hirak kehimitenyem, te yi han kitet yi yaain o au. <sup>4</sup>Him im yaaim mentar haiu yink kaiu kiutip te pinam miram yapirwe. Ham pinam hiram miriak menmen ham, pinam miriak menmen ham. <sup>5</sup>Mar im haiu mit miyapir haiu yapirwe te haiu mire yink kiutip mentar haiu mises him me Krai, te haiu yapirwe niutip niutip mamkaapan.

<sup>6</sup>Menmen God kerekyeyem kewetiyem hiram ap mipiram au. God nepei kewetei haiu mit han menmen mirak te haiu mewepyapir him hirak ketpeiyem, te haiu emwepyapirem mar ke haiu mises God memtau him mirak. <sup>7</sup>Haiu mit han kerek God kehimitenai haiu emkaap mit, te haiu emkepi. Hirak kehimitenai haiu mit han haiu mamtip mit menmen, te haiu emitporem. <sup>8</sup><sup>b</sup>Haiu mit han kerek God kehimitenai haiu matip mit him haiu mamkepi mamkiak han kir kakriuwerem, te haiu mamtipim mamkepi. Haiu mit han kerek God kehimitenai haiu emwet mit han menmen pinam me menmen maiu kerek haiu metenenim, te haiu emwetirem. Haiu mit han kerek God kehimitenai haiu naanmamre mit miyapir han, te haiu emisesim emriakem werek werek. Haiu mit han kerek God kehimitenai haiu mikaap mit miyapir ninap o miyapir mikan nir epei naa, te haiu emkepi werek werek.

<sup>v</sup> 12:1 Ro 6:11, 13; 1Pi 2:5; Jo 4:24    <sup>w</sup> 12:2 Ef 4:23, 5:10, 17    <sup>x</sup> 12:3 1Ko 12:11; Ef 4:7

<sup>y</sup> 12:4 1Ko 12:12    <sup>z</sup> 12:5 1Ko 12:27; Ef 4:25    <sup>a</sup> 12:6 1Ko 12:4-11; 1Pi 4:10-11    <sup>b</sup> 12:8 2Ko 9:7

### Menmen yi yisesim te yi hanhan yeriuwehan

<sup>9</sup> <sup>c</sup>Yi ap eiwisesik au. Yi hanhan yeriuwe mit. Menmen yaa'im yi hanhanem. Menmen enum au, yi eineinim. <sup>10</sup> <sup>d</sup>Yi hanhan yeriuwe ni yinan ne Kra'is yar ke yi hanhan yeriuwe ni ne winak ki. Yi han ekitet mit han hir ninini te yi eiwenipi niuk mir hir yaain.

<sup>11</sup> <sup>e</sup>Yi ap eiyu yain yain au emit. Yi eiriak menmen yaa'im me Mitik Iuwe God yeriuwe han ki iuwe.

<sup>12</sup> <sup>f</sup>Yi han yaaik eiyu eimerir Mitik Iuwe Kra'is hirak pike kaknen. Menmen enum mamnen mamiwep, te yi han tokik eiyu. Hekrit hekrit yi eiyitehi God menmen.

<sup>13</sup> <sup>g</sup>Mit miyapir han nises him me God, hir netenen menmen auri, te yi eikepi naanempror eiriuwe menmen mi. Yi naanempre mit miyapir han ne wit hak naninen nanri.

<sup>14</sup> <sup>h</sup>Mit kerek hir neriwaank yi ap eiyitehi God hirak kakrekyor enum au emit! Yi eiyitiwekhi hirak ekikepi hir nanisesik.

<sup>15</sup> <sup>i</sup>Mit miyapir hir han yaaik, yi han yaaik eitikeri. Hir han enuk me menmen, te yi han etwenini.

<sup>16</sup> <sup>j</sup>Yi han kiutip eikiyan eiyu. Yi ap han ekitet yi iuwe au emit. Yi eitike mit miyapir weinin yi eiriyan eino in eino ein. Yi ap han ekitet yi yertei iuwe yinin mit han.

<sup>17</sup> <sup>k</sup>Mit kerek nerekyi enum, yi ap eirekyor menmen enum eiyir ke hir nerekyiyem au emit! Yi eiriak menmen mit miyapir han nertei hiram yaa'im. <sup>18</sup> <sup>l</sup>Yi ap einehan einapan au emit. Yi hanhan eitike mit miyapir yapirwe eikiyan eiyu. <sup>19</sup> <sup>m</sup>Nai yinan, yi ap eiriak mit menmen enum eiyir ke hir nerekyiyem au emit. Yi eiwis God maain hirak kakriak mit menmen kerek han enuk kakriuwari. Yi eiwisik hirak kakriakem kakintar hirak katip him mit newisim mau tiwei mar im: "Maain hi God hirekes ahiwanki arekyor enum."

<sup>20</sup> <sup>n</sup>Te yi ap eirekyor menmen enum au emit. Mit kerek hir nerekyi enum, hir ninpi maan yi eiwetir menmen hir nanim, o hir him niu enuk (o mar kewenkikor him) yi eiwetir tipar mei hir enim. Yi eiriak menmen mar im yi eirekyor hir yink enuk neriuwe menmen enum hir niriakem. Hiram mar ke yi yewen si yeunek mentar paan kir, <sup>21</sup> te yi ap eiwis menmen enum mamri han ki maminini au emit. Yi eiynin menmen enum eiriuwe menmen yaa'im yi yiriakem.

<sup>c</sup> 12:9 1Ti 1:5; 1Pi 1:22; Emo 5:15    <sup>d</sup> 12:10 2Pi 1:7; Fl 2:3    <sup>e</sup> 12:11 Ap 18:25; Rev 3:15  
<sup>f</sup> 12:12 1Te 5:17    <sup>g</sup> 12:13 Hi 13:2    <sup>h</sup> 12:14 Mt 5:44; Ap 7:60; 1Ko 4:12    <sup>i</sup> 12:15 Sam 35:13  
<sup>j</sup> 12:16 Ro 11:20, 15:5; Pro 3:7; Ais 5:21    <sup>k</sup> 12:17 1Te 5:15    <sup>l</sup> 12:18 Mk 9:50; Hi 12:14  
<sup>m</sup> 12:19 Diu 32:35; Mt 5:39; Ro 13:4; 2Te 1:6-7; Hi 10:30    <sup>n</sup> 12:20 Pro 25:21-22; Mt 5:44

### Haiu emises him me gavman

**13** <sup>1</sup>Mit miyapir niutip niutip nanimtau him me mit iuwe ne gavman hir enisesim. God kehimitan gavman hir naanmipre mit miyapir nerer wit wit. God kewis mit ne gavman in ek hir nau ti naanmiprai. <sup>2</sup>Mit kerek hir ap nises him me gavman hir netpor, hir neweikin sip newet menmen God kewisim. Hir neweikin sip newet gavman, te maain gavman hir naninip naninterim. <sup>3</sup>Mit ne gavman hir ap nepu nenip mit yaain hir nineini au. Mit kerek hir niriak enum keremem. Yi yinapen gavman hir han yaaik nanriuwu te yi ap eiriak menmen enum au. Yi eiriak menmen yaaim keremem te hir nantip yi yaain. <sup>4</sup>Hir nire mit ne God nekrehir kirak naanmamri te yi eiyu werek werek. Yi eiriak enum yi eineini eyintar hir ap neit niuk iuwe weinim au. Hir netiwem neiyim nanriwaank nanriuwe menmen mir. Hir nekrehir ke God hir naninep mit miyapir kerek niriak menmen enum. <sup>5</sup>Te yi eyimtau him me gavman eyisesim. Yi ap eyisesim eyintar yi yineini hir naniwep keremem au. Yi eyisesim eyintar yi yekre han ki yertei hiram yaaim.

<sup>6</sup>Yi eiwir pewek me takis eyintar hir mit ne gavman hir nekrehir ke God, hekrit hekrit hir naanmipri te yi eiyu werek werek. <sup>7</sup>Te yi eiwet mit ne gavman menmen yapirwe hir nitihiyem. Yi eiwet mit ne gavman pewek me takis hir nitihiyem. Yi eiwet mit ne gavman pewek me takis me ti hir nitihiyem. Yi eiwenipi niuk me mit ne gavman hir iuwe. Yi han ekitet mit ne gavman hir iuwe yi eirekyor menmen yaaim.

### Mit miyapir kerek hanhan neriuwe mit miyapir han hir nises him me God Moses kewisim mau tiwei

<sup>8</sup>Yi eiwet mit menmen emrer mir me menmen kerek nipaa yi yetiwem. Menmen miutip mamu te yi eiwet mit em. Hiram menmen im. Yi hanhan yeriuwehan. Mit miyapir kerek hir hanhan neriuwehan, hir nises him me God nipaa Moses kewisim mau tiwei. <sup>9</sup>Him me God Moses kewisim mau tiwei hiram matip mar im: “Yi mit eitike miyapir yi ap eirihis mit miyapir epei neit mikan eiweninem au emit! Yi ap einep mit han hir nani. Yi ap eikintip menmen me mit han. Yi ap hemkre menepam menmen me mit han.” Him meiyam mepu hiram mises him im miutip Moses kewisim. Hiram matip, “Yi hanhan eiriuwe mit miyapir han eyir ke yi hanhan eiriuwe hiras.” <sup>10</sup>Mit miyapir kerek hanhan neriuwe mit miyapir han ap te nanrekyor enum taau. Te hir hanhan neriuwe mit miyapir hir nises him me God werek werek Moses kewisim mau tiwei.

° 13:1 Ta 3:1; Pro 8:15; Jo 19:11    P 13:3 1Pi 2:13-14, 3:1, 3    ° 13:7 Mt 22:21    † 13:8 Mt 22:39-40; Je 2:8    \* 13:9 Eks 20:13-17; Lev 19:18    † 13:10 1Ko 13:4-7



### Haiu emises menmen yaaim

<sup>11</sup>“Yi hanhan eiriuwe mit miyapir han eiyintar yi yertei in ek yi ap eire mit ne witaan niwaai au. Yi eiyikrit eiyises God yi eiriakan werek werek eiyir ke mit kerek ne witaan niwaai. Hir nekrit nentar nipaa haiu minin mises him me God, wi hirak pike kaknen kakikepai kaktaihis hiram wen yanimin. Te in ek wi epei man menep. <sup>12</sup>“Hiram mire witaan nepei au, wanewik mamnen te haiu emweikin sip emwet menmen enum me ti im hiram mire menmen me witaan. Haiu emises menmen me God hiram mire nopen o yipo henmik haiu metiwem me wepni hiram mekepai haiu maminin menmen enum mamri han kiau. <sup>13</sup>“Haiu emises menmen yaaim mamriak menmen yaaim mire mit ne wepni niriakem. Haiu ap emises menmen enum me witaan mit niriakem mar im. Hir naam tipar si enum naam menmen yapirwe ere hir netaritari, hir netike miyapir nariyanhis neweninem, hir hemkre menepam me menmen yapirwe, hir nenehan nentar menmen im. <sup>14</sup>“Te yi au. Yi eiyitehi Mitik kiau luwe Jisas Krai hirak kakikepi naanmampru yar ke yi yeriuwet klos mau yink ki. Yi ap han ekitet eiyises menmen enum, menmen han ki hanhanem au emit!

### Haiu ap han maminep mamintar menmen me nau yinan ne Krai hir niriakem

**14** <sup>1</sup>Yi eiwis mit miyapir kerek hir nises him me God te hir ap nertei menmen werek werek wen au, yi eiwisi hir naninen nanu nantikewi eiwenipi niuk me God. Te yi ap eitikeri einehan me menmen hir han kitet nanisesim au emit! <sup>2</sup>“Mit han nises God werek werek, hir nanim menmen yapirwe. Te mit han hir nises God hir ap nertei menmen mirak werek werek. Hir ninapen samiyak hir naam teket weisan keremem. Hir han kitet hir nanim sak te God han enuk kakriuweri. <sup>3</sup>“Yi mit miyapir kerek yaam menmen yapirwe yi ap einan yipir eiwirek ke mit kerek ninapen samiyak hir naam, teket weisan keremem au. <sup>4</sup>“Yi han kitet yi iuwe te yi skelim menmen mit han hir nire wok mit ne Krai hir niriakem a? Mitik luwe Krai kerekek hirak han ekitet menmen mit nirak hir niriakem, hiram yaaim o enum. Hi han kitet hirak kaktip hiram yaaim mamintar hirak kakikepi nanises menmen yaaim.

<sup>5</sup>“Mit han hir han kitet wi ham hiram minin wi ham. Mit han au, hir han kitet wi yapirwe hiram mipiram. Yi mit niutip niutip yi han ekitet werek menmen yi eiyisesim. <sup>6</sup>Mit neimin hir han kitet wi ham hiram, hir nises menmen im newenipi niuk me Mitik luwe Krai neriuwerem.

“ **13:11** Ef 5:14; 1Te 5:6-7    v **13:12** Ef 5:11, 6:11    w **13:13** Lu 21:34; Ef 5:18    x **13:14** Ga 3:27    y **14:1** Ro 15:7    z **14:2** Jen 1:29, 9:3    a **14:3** Kl 2:16    b **14:4** Mt 7:1; Je 4:11-12  
c **14:5** Ga 4:10

Mit miyapir kerek hir naam samiyak hir newenipi niuk me Mitik Iuwe Kraiss neriuerem nentar hir natip God hirak yaaik me menmen hirak kewetirem. Mit miyapir kerek naam teket weisan weinim, hir newenipi niuk me Mitik Iuwe Kraiss, hir natip God hirak yaaik me menmen hirak kewetirem.

<sup>7</sup>Haiu mit ap mepu mises han kaiu, haiu ap mami mamises han kaiu au. <sup>8</sup><sup>d</sup>Haiu mamu me menmen haiu miriakem, te haiu mamwenipi niuk me Mitik Iuwe Kraiss. Haiu mami te menmen haiu miriakem hiram mamwenipi niuk me Mitik Iuwe Kraiss. Haiu mamu o haiu mami, haiu mit miyapir mamises han kirak mamintar haiu ne Kraiss. <sup>9</sup>Haiu mit miyapir ne Kraiss mentar Kraiss kaa, te hirak kakir ke Mitik Iuwe ke mit miyapir nepei naa netike haiu mit miyapir kerek wen mepu.

<sup>10</sup><sup>e</sup>Yi yenmak te yi skelim ni yinan a? Yi yenmak te yi einan yipir eiwirek ei yintar ni yinan a? Maain haiu yapirwe mamirp mamrapit God, hirak skelim haiu mit me menmen haiu epei miriakem. <sup>11</sup><sup>f</sup>Him me God Aisaia kewisim mau tiwei matip mar im:

“Hi hepu, te hi Mitik Iuwe God hetpi werek. Mit, miyapir, tipir, hir nanirp nanerepta nanwen ninip nanitehir nantip nanir ik: ‘Ti hirekes kerekek ti God.’” <sup>12</sup><sup>g</sup>Tis, haiu yapirwe mamtip God menmak haiu mises menmen haiu miriakem me wi haiu mau ti, te haiu naanempre hiras. Te haiu skelim nau yinan me menmen enum hir niriakem em epei au emit!

### **Haiu ap mamriak menmen meiyim mamiwaank nau yinan mamriuerem**

<sup>13</sup>Te haiu skelim nau yinan nepei au emit! Yi han ekitet menmen im. Yi ap eiriak menmen naninip ni yinan hir nanriak menmen enum. Menmen im hiram mamir ke mitik kerewo nan kenkewin. <sup>14</sup><sup>h</sup>Hi hises him me Mitik Iuwe Jisas, te hi hertei menmen yapirwe hiram yaaim. Mitik hak han kitet menmen hiram enum te hirak ap kakisesim o kakim au emit. <sup>15</sup><sup>i</sup>Samiyak o menmen yi yayim hiram mamiwaank ni yinan han kir, te yi ap hanhan yeriueri au. Yi ap eiwis menmen yi yayim mamnip mit miyapir kerek Kraiss kaa kakikepi, hiram mamiwaank menmen mir me Kraiss hir nisesim. <sup>16</sup><sup>j</sup>Yi ap eiwis menmen yaaim yi yisesim hiram mamnip mit han hir nantip hiram menmen enum. <sup>17</sup>God naanmiprai haiu misesik hiram ap menmen me tipar haiu mamim metike menmen au. Hiram menmen me God Himin Yaaik kewetaiyem haiu misesim, te haiu metike God mekiyan mau haiu han yaaik mamu. <sup>18</sup>Mit miyapir kerek nertei menmen me menmen mit

<sup>d</sup> 14:8 Lu 20:38; Ga 2:20; 1Te 5:10    <sup>e</sup> 14:10 Mt 25:31-32; Ap 17:31; 2Ko 5:10    <sup>f</sup> 14:11 Ais 45:23; Fl 2:10-11    <sup>g</sup> 14:12 Ga 6:5    <sup>h</sup> 14:14 Ap 10:15; Ta 1:15    <sup>i</sup> 14:15 1Ko 8:11-13

<sup>j</sup> 14:16 Ta 2:5

nanim hiram menmen weinim, hir nises menmen Kraiss hanhanem, te God han yaaik kakriuwari, mit miyapir han nantip, “Hir yaain.”

<sup>19k</sup>Te haiu hanhan emises menmen mamnip haiu mit yapirwe emkiyan emu han kiutip haiu emkaapan. <sup>20</sup>Yi ap eiyiwaank menmen God kiriakem kekrek han ke mit miyapir han yentar yi yenehan yentar menmen me yi yayim. Menmen yapirwe hiram yaaim, te yi yayim menmen hiram mamnip ni yinan hir nanises menmen enum, te menmen yi yaam hiram menmen enum. <sup>21</sup>Samiyak o tipar si enum yi yaam o menmen yapirwe yi yiriakem hiram menip ni yinan hir nises menmen enum, te yi ap yayim o eiriakem meiyam nepei werek emit! <sup>22</sup>Menmen yi han kitetim me naan o tipar si enum hiram yaaim te yi yayim, yi ap eiwepyapirem eiri han ke mit han eiriuwere au emit! Hiram menmen me yi mit yetike God. Mit kerek han kir ap katip menmen hir nisesim nanim hiram enum me menmen hir han kitet hiram yaaim, hir han yaaik nanu. <sup>23m</sup>Te mit kerek han kir katip menmen im hiram menmen enum, te hir nanim, hir niriak menmen enum. Han kir nepei ketpor hiram enum te hir ap nisesik au. Hir nikiamnaam naam. Menmen mit han kitet hiram enum te nanisesim, menmen mar im hir nisesim God katip hiram enum.

#### Haiu emises han ke Kraiss

**15** <sup>1</sup>Haiu mit miyapir kerek mises him me God werek werek, haiu ap emises han kaiu mamim menmen o mamriak menmen menip nau yinan ne kraiss ap nises God werek werek hir han enuk neriuwerem au emit! <sup>2</sup>Haiu emwen han kaiu emkepi me menmen hir han kitet hiram enum te hir enises God werek werek. <sup>3</sup>°Kraiss hirak hirekes ap kises han kirak me menmen au. Hirak kises him me God te menmen enum man mewankek. Him me God mau tiwei Sam hiram matip me menmen mar im: “Hi Mitik Iuwe hi hekrehir ke ti God hi heriuwe menmen enum mit enun netpim me ti hiram man meiyep.” <sup>4</sup>Him me God yapirwe mit nipaa ein newisim mau tiwei hiram mamkepai haiu han tokik emu me menmen enum mamnen mamraiwaank, haiu mamerir wi haiu mamit menmen God kakwetayem. <sup>5</sup>Hi hanhan God kerek kekepai haiu han tokik mamu haiu mamririwek kaktaihis, hirak kakikepi yi eiyises menmen Kraiss Jisas kiriakem yi eikiyan eiyu. <sup>6</sup>Te yi yapirwe eire han kiutip yi eiwenipi niuk me God hirak Haai ke Mitik kaiu Iuwe Jisas Kraiss.

#### Kraiss kikaap mit miyapir ne Isrel netike mit miyapir han ne weiwik ham

<sup>7q</sup>Te yi mit miyapir en yi eiyithis ni yinan eitikeri han kiutip eiyu eiyir ke Kraiss ketihis yi mit miyapir te mit nau ti nanwenipi niuk me

<sup>k</sup> 14:19 Ro 12:18, 15:2 <sup>l</sup> 14:21 1Ko 8:13 <sup>m</sup> 14:23 Ta 1:15 <sup>n</sup> 15:2 Ro 14:19; 1Ko 9:19, 10:24, 33 <sup>o</sup> 15:3 Sam 69:9 <sup>p</sup> 15:4 Ro 4:23-24; 1Ko 10:11 <sup>q</sup> 15:7 Ro 14:1

God naninterim. <sup>8 r</sup> \*Yi eiyithis ni yinan eitikeri eikiyan eiyu eiyintar hi hetpi menmen im me Kraiss. Hirak keweikin kire mitik kikaap mit ne Isrel kerek nerekir yink kir, hirak keteiknor God katip him yaaim hirak kakises menmen nipaa katip maam nipurer tirak Ebrahim Aisak Jekop hirak ketporem. Hirak ken kiriak menmen im keremem au. <sup>9</sup> Kraiss kan te mit miyapir ne weiwik ham nanwenipi niuk me God me menmen im. God hirak hanhan keriuwe haiu mit yapirwe. Him me God mau tiwei Sam kerek Devit kewisim hiram matip mar im:

“Hentar menmen im hi hau nimin ke mit miyapir ne weiwik ham, hi awenipi niuk mit, hi hinut henye.” <sup>10</sup> Hiram him ham Moses kewisim hiram matip mar im:

“Yi mit ap ne weiwik me Isrel eitike mit miyapir ne Isrel, yi han yaaik eiyu.” <sup>11</sup> Him ham matip mar im:

“Yi mit miyapir ap ne weiwik me Isrel, yi eiwenipi niuk me Mitik Iuwe God. Yi yapirwe yi eiwenipiyek wisenum.” <sup>12</sup> Him me God Aisaia kewisim mau tiwei matip mar im:

“Maain nepenyek hak ke maam Jesi (hirak haai ke Devit) hirak kaknen kakir ke nu hir mit nikan, hirak pike kensunen. Hirak kaknen mit ap ne weiwik me Isrel hirak naanmamror hir nanmeriyiwek hirak kakikepi hir nanire yaain.”

<sup>13</sup> Hi hanhan God kerek kenipai haiu mameriyiwek hirak kakikepai kaktaihis, hirak kaknip yi han yaaik wisenum yi han ki kaku werek yi yisesik werek werek. Te God Himin Yaaik kakriuwe menmen mirak iuwe kaknip yi eimeriyiwek ere God kakweti menmen yaaim mirak.

### **Pol hirak han yaaik keriuwe menmen hirak kiriakem**

<sup>14</sup> Nai yinan, hi hirekes hertei hekre han kai yi hiras yi yaain, yi yiriak menmen yaaim. Yi yertei him me God werek werek yi yertei yatip mit han ne yi hiras en yeteiknor menmen mirak. <sup>15-16</sup> \*Te hi nepei hewisi menmen ham hetpi him manp heriuwerem. Hi ap hinapen hetpiyem au. Hi hanhan hetpi menmen me hi hekeyi han ki hentar God hirak hanhan keriuwa kehimitena hi hire mitik aposel ke Jisas Kraiss, hi hiriak menmen hikaap mit miyapir ap ne Isrel neriuwerem. Hi hiriak menmen har ke mitik pris hirak kiriakem. Hi hatip mit miyapir ap ne weiwik me Isrel him me God, te God Himin Yaaik kaknipi hir yaain nanir ke menmen mit pris newepwarem newet God em, hirak kehimitenor hir ne God Haai, hirak han yaaik kakriuweri.

<sup>17</sup> Hi han yaaik heriuwe menmen hi hiriakem me God hentar hi ke Kraiss Jisas. <sup>18</sup> \*Hi ap hatip me menmen ham au. Hi hatip me menmen

---

<sup>r</sup> 15:8 Mt 15:24   <sup>s</sup> 15:8 Ap 3:25; Ro 11:30; Sam 18:49   <sup>t</sup> 15:10 Diu 32:43   <sup>u</sup> 15:11 Sam 117:1   <sup>v</sup> 15:12 Ais 11:10; Rev 5:5   <sup>w</sup> 15:16 Ro 1:5, 11:13, 12:1; Fl 2:17   <sup>x</sup> 15:18 2Ko 3:5

Krais kekepa hi hiriakem te mit miyapir ap ne weiwik me Isrel, hir nemtau him me God hir nisesim. Hirak kekepa keriuwe him hi hetpim, metike menmen hirak kekepa hi hiriakem mar im. <sup>19</sup>God Himin Yaaik kekepa hi hiriak menmen yaaim hikaap mit miyapir ninap o his hit mir enum. Te hi herp Jerusalem, hi hen yanimin ere hi hipiun provins Ilirikam, hi hewepyapir him yaaim me Krais, hi atip mit em. <sup>20</sup>Me menmen im hi hiriakem, hi hanhan wisenuk hi hewepyapir him yaaim me Krais hetpim heit wit kerek mit ap nemtau him me Krais wen au. Te hi ap hiriak menmen heit wit kerek mit han nepei netpor him. Hi hinapen ariak menmen im. Hiram mar ke hi hime winak kentar teinik mitik hak epei hekin hei yem hamir. <sup>21</sup>Au, hi hanhan hises him me God mau tiwei nipaa Asaia kewisim mar im:

“Mit miyapir kerek mit han ap nan netpor menmen me Mitik Iuwe, hir nanirek. Hir mit miyapir kerek nipaa ap nemtau menmen mirak, hir nanirteiyem.”

#### Pol hanhan kakir mit ne Rom te hirak kakno wit Spen

<sup>22</sup>Nipaa ere in, hi ap han hiri hentar menmen hi nepei hetpiyem. <sup>23</sup>Te in ek hi hiriak menmen meit wit im nepei au. Me tito yapirwe hi hanhan anen ari. <sup>24</sup>Te hi han kitet hi ari hi ehu me wi meiyam atikewi. Hi ehu etikewi epei au, yi eikepa eiriuweta hi ano ein.

<sup>25</sup>In ek kerekek hi ano wit Jerusalem, te hi akaap mit miyapir ne God en. <sup>26</sup>Hi eno Jerusalem hentar mit miyapir ne Masedonia netike mit miyapir ne provins Akaia han kitet nanisiuwe pewek mamno mamkaap mit miyapir ne God neit en, hir enun ap netenen menmen mei au. <sup>27</sup>Hir hanhan nanriuwet menmen im mamkepi nanriuwere. Hir enkepi nanwetir menmen mamkrehir miram mentar menmen im. Nipaa hir mit ne Jerusalem hir newetir menmen mir yaaim me God, te in ek hir nanwetir mei mamkrehir miram nankepi nanwetir pewek mei.

<sup>28</sup>Te hi hanhan ahinin ariak menmen im. Hi hewetir pewek im kerek mit miyapir hir netiwem nesiuwerem man. Epei au, te hi anen ari yi yeit yayiwe ke wit Spen. <sup>29</sup>Maain wi hi anen ari, hi hertei Krais kaku kakikre han kai iuwe te hi akepi ariuwe menmen im hirak hanhan kakwetiyem.

<sup>30</sup>Nai yinan, hi hitihi him manp hentar yi han kitet menmen me Jisas Krais metike menmen me hanhan meriuwehan God Himin Yaaik kewisim mekre han kaiu, yi yetikewa haiu mamitehi God iuwe me hi. <sup>31</sup>Yi eitiwekhi hirak naanmamrau me mit neit provins Judia hir ap nises him me God ap te hir naniyep. Yi eiyitehi God hirak kaknip hir mit miyapir

<sup>y</sup> 15:20 2Ko 10:15-16    <sup>z</sup> 15:21 Ais 52:15    <sup>a</sup> 15:22 Ro 1:10-13    <sup>b</sup> 15:24 1Ko 16:6

<sup>c</sup> 15:25 Ap 19:21, 24:17    <sup>d</sup> 15:26 1Ko 16:1; 2Ko 8:1, 9:2, 12    <sup>e</sup> 15:27 Ro 9:4; 1Ko 9:11

<sup>f</sup> 15:29 Ro 1:11    <sup>g</sup> 15:30 2Ko 1:11; Kl 4:3; 2Te 3:1

nirak neit wit Jerusalem hir han yaaik nanriuwe pewek hi ewetirem.

<sup>32</sup>God hanhan hi anen ari, te hi han yaaik ehu etikewi me wi mei kike.

<sup>33</sup>Hi hanhan God kerek kenipai han kiau kau werek, hirak kaku kaktikewi. Keremem.

**Pol kesiuwe him gude katip mit miyapir hir yaain**

**16** <sup>1</sup>Hi hanhan hetpi me mite pau yina piutip niuk mire Fibi. Hire mite kerek wises him me God hire wikaap mit miyapir ne weiwik miutip me God neit wit Senkria. <sup>2</sup>Hi hetpi me mite ip e te yi yaitiwehis yayir ke mit miyapir ne God enisesim. Yi eirekyiwerem eiyir ke God hanhan yi eiriakem. Yi eikepiye eiriuwe menmen hire hanhan wautiwem wawintar hire nepei wekepa hi hetike mit miyapir yapirwe.

<sup>3</sup>Yi yaitip Prisila wetike mitik kire Akwila hi hetpor hir yaain. Hir niriak menmen me Jisas Krai netikewa. <sup>4</sup>Nipaa hir menep nani te hir nekepa. Hi kerekek han yaaik heriuweri au. Mit miyapir yapirwe ap ne weiwik me Isrel kerek nises him me God nerer wit wit hir han yaaik neriuweri. <sup>5</sup>Yi yaitip mit miyapir kerek nererik neit winak kir newenipi niuk me God neitai, yi yayitpor hi hatip hir yaain. Yi yaitip kai yinak yaaik Epinitas hirak yaaik. Hirak mitik kinin mit miyapir ne Esia, hirak kinin kises him me Krai.

<sup>6</sup>Yi yaitip Maria hi hetpiwe hire yaaip. Hire wiriak menmen yapirwe wekepi weriuwerem.

<sup>7</sup>Yi yaitip Andronaikas ketike Junias hi hetpiwekit hirakit yaaikit. Hirakit te weiwik mai hirakit nipaa tetikewa men winak enuk. Hirakit mitikit aposel niuk mirakit hiram iuwe mit yapirwe nerteiret. Nipaa hi hises him me Krai wen au, hirakit nepei tisesim.

<sup>8</sup>Yi yaitip Amplietas hi hetpiwek hirak yaaik. Hi hanhan heriuwerek, hirak kai yinak ke Krai.

<sup>9</sup>Yi yaitip Eban hi hetpiwek hirak yaaik. Hirak kiriak menmen me Krai ketikewai. Yi yaitip Stekis hi hetpiwek hirak yaaik, hirak kai yinak yaaik.

<sup>10</sup>Yi yaitip Apelis hi hetpiwek hirak yaaik. Hi hemtau mit natip mit enun nerekyiwek enum te hirak kises Krai werek werek. Yi yaitip mit miyapir neit winak ke Aristobyulas hi hetpor hir yaain.

<sup>11</sup>Yi yaitip Herodion kerek kai ke weiwik miutip, hi hetpiwek hirak yaaik. Yi yaitip mit miyapir neit winak ke mitik Nasisas kerek nises him me Krai, hi hetpor hir yaain.

<sup>12</sup>Yi yaitip Traifina wetike Traifosa hi hetpor hir yaain. Miyapir wik in hir niriak menmen iuwe me Mitik Iuwe Krai. Yi yaitip mite Pesis hi hetpiwe hire yaaip. Hire pai yaaip wiriak menmen iuwe me Mitik Iuwe Krai.

<sup>h</sup> 16:3 Ap 18:2, 18, 26 <sup>i</sup> 16:5 1Ko 16:15, 19; 2Ti 1:15

<sup>13</sup>Ji yaitip Rufas kerek mitik yaaik kises Mitik Iuwe Kraiis werék werék, hirak ketike miye pirak, kerek hire wire miye pai, hi hetpor hir yaain.

<sup>14</sup>Ji yaitip Asinkritas, Fligon, Hemis, Patrobas, Hemas netike mit han nises him me Kraiis nau netikeri, hi hetpor hir yaain.

<sup>15</sup>Ji yaitip Filologas, Julia, Nerias ketike yenten pirak, Olimpas, hir netike mit miyapir han hir nises God hir nau netikeri, hi hetpor hir yaain.

<sup>16</sup>KJi mit en yi yises menmen yi yiriakem, yi eiktaanhis yaitip yi hiras yi yaain. Mit miyapir yapirwe ne Kraiis in hir nesiuwe him netpi yi yaain.

**Yi einepin eikeipin mit kerek nanri han ke mit hir  
nenke hasini han nen pinak han nen pinak**

<sup>17</sup>LNai yinan, hi hetpi yi naanmamre hiras me mit kerek hir nanri han ke mit te hir nenke hasini han nen pinak, han nen pinak, hir neweikin sip newet him me God nipaa mit hir netpiyem. Hir newaank mit nises him me God neriuwe him ham. Yi einepin eikeipnor. <sup>18</sup>Mit nar ik hir ap niriak menmen me Mitik Iuwe Jisas Kraiis. Au, hir nises menmen me han kir. Hir newises mit miyapir kerek ap han kitet hir netpor enum, hir nemitorpin nimornipin neriuwe him mir yaaim weinim. <sup>19</sup>Ji yises him me God werék werék te mit nerer wit wit nemtewem. Menmen im menipa hi han yaaik heriuwi. Hi hanhan yi yertei werék menmen hiram yaaim, te menmen enum mamri han ki yi eiyisesim au. <sup>20</sup>God kerek hirak kenipai han kiau kau werék menep te kakinin Seten te yi eiyinin menmen mirak. Hi hanhan Mitik kiau Iuwe Jisas hirak kakrekyi yaaim kaku kaktikewi.

**Mit han nesiuwe him natip gude me mit ne Rom**

<sup>21</sup>PTimoti kerek kiriak menmen ketikewa hirak ketpi yi yaain. Lusias, Jeson, Sosipata, hir ne weiwik mai, hir netpi yi yaain.

<sup>22</sup>Hi Tetias, hi hemtau him me Pol ketpewem hi hewisim mau tiwei im, hi hirekes hetpi yi yaain yentar yi yises Mitik Iuwe.

<sup>23</sup>QMit miyapir nises him me God nererik neit winak ke mitik Gaias newenipi niuk me God. Hirak kerek naanmimprau hi Pol me menmen te hirak kerek ketpi yi yaain. Erastas, hirak kuskus ke wit iuwe ik ketike kiau yinak Kwotas, hirakit tetpi yi yaain.

<sup>24</sup>(Hi hanhan Mitik Iuwe Jisas Kraiis kakrekyi menmen yaaim.)

---

<sup>j</sup> 16:13 Mk 15:21   <sup>k</sup> 16:16 1Ko 16:20; 1Pi 5:14   <sup>l</sup> 16:17 Mt 7:15; Ta 3:10   <sup>m</sup> 16:18 Fl 3:19; Kl 2:4; 2Pi 2:3   <sup>n</sup> 16:19 Ro 1:8; Mt 10:16; 1Ko 14:20   <sup>o</sup> 16:20 Ro 15:33; Jen 3:15  
<sup>p</sup> 16:21 Ap 16:1-2, 19:22, 20:4   <sup>q</sup> 16:23 1Ko 1:14

### Yi eiwenipi niuk me God

<sup>25</sup> Haiu mamwenipi niuk me God. Hirak kakikepi yi eiyises him mirak werek werek han tokik eiyu. Him im yaaim me Jisas Kraiss kerek hi hatip mit em, hiram nipaa God kisawinem. <sup>26</sup> Te in ek hirak kewepyapirem keteiknaiyem meriuwe him mit profet nipaa newisim mau tiwei. God kerek kaku kakit tipmain tipmain enum eik nepei katip him manp te haiu mit mewepyapirem mamtip mit miyapir ne weiwik ham nerer wit wit him mirak, te hir nanimtwem nanisesim. <sup>27</sup> Hi hanhan haiu mamwenipi niuk me God hirak kerekek kertei menmen yapirwe. Haiu mamwenipi niuk mirak tipmain tipmain enum eik mamintar menmen Jisas Kraiss kerekyaiyem.

**Mepir keremem.**

---

<sup>r</sup> 16:25 Ef 1:9, 3:5, 9; Kl 1:26    <sup>s</sup> 16:26 Ro 1:5    <sup>t</sup> 16:27 1Ti 1:17; Ju 25